



12

106

895.2


34-6





金石古文

董金南題籤




光緒中
辰寒夕
會稽取
斯堂薰
氏勅成

金石古文序

西蜀楊子專精載籍窮索闡奧所著丹鉛餘錄古文
韻語韻林原訓及所選采樂府律祖諸篇踵蹟增華
變辭加厲間多前賢所未發茲哀集金石古文凡十
四卷歐陽子讀漢邨閣頌醴散關之潮潔徙朝陽之
平滲莫究厥旨楊子類引分解卓然可稽豈非負有
純賦濟用苦力者哉衛泉孟子摹本未善予茲巡行
之暇更綴班畫謀諸漢中李守重刻焉被飾皇猷其
能無裨助虛明嘉靖三十三年仲冬至日賜進士第

奉勅巡按陝監察御史永嘉省菴孫昭書



金石古文目錄
衡山雲密峯神禹碑
廬山紫霄峯石穴中禹刻
商鼎銘
北干墓銅盤銘
卷二
周宣王石鼓文

金石古文目錄

卷一

倉頡陽虛山丹甲青文石刻

衡山雲密峯神禹碑

廬山紫霄峯石穴中禹刻

商鼎銘

北干墓銅盤銘

卷二

周宣王石鼓文

周齊侯鍾銘

周齊侯罇鍾銘

姜鼎銘

毛伯敦銘

韓城鼎銘

周郊鼎銘

衛靈公沙邱石槨銘

卷三

秦詛楚文

登鄒嶧山刻石文

登泰山刻石文

登琅邪臺刻石文

登之罘山刻石文

刻碣石門文

登會稽山刻石文

秦蜀守李冰誓江神碑

秦蜀守李冰湔壩堰官碑

卷四

漢魯相置孔子廟卒史碑

漢魯相晨孔子廟碑

魯相晨孔廟後碑

漢魯相造孔廟禮器碑

韓勅碑陰

漢泰山都尉孔宙碑

門生故吏名

卷五

漢博陵太守孔彪碑

孔彪碑陰

漢司隸校尉魯峻碑

魯峻碑陰

漢北海相景君碑

北海相景君碑陰

漢散煌長史武班碑

卷六

漢執金吾丞武榮碑

漢荊州刺史度尚碑

漢桂陽太守周府君碑

周府君碑陰

漢衛尉衡方碑

卷七

漢酸棗令劉熊碑

洧于長夏承碑

漢西嶽華山廟碑

漢元儒先生婁壽碑

漢蕩陰令張君碑

卷八

漢堂邑令費鳳碑

漢堂邑令費鳳別碑

漢溧陽長潘乾校官碑

漢郎中鄭固碑

漢廬江太守范府君碑

卷九

光武濟陽宮碑

汝南周巨勝碑文

京兆尹樊陵碑文

童子逢盛碑

巴郡太守樊敏碑

金鄉長侯成碑

卷十

武都太守李翁西狹頌

成陽令唐扶頌

魏大饗碑

魏散騎常侍步校尉東平太守碑

卷十一

漢榮瀆石門碑

魏野王令司馬孚脩沁口碑

魏建城鄉侯劉靖碑

晉千金渠石人東脇下文

後漢鴻臚陳君碑文

卷十二

漢樊毅脩西嶽廟記

西嶽華山亭碑

西嶽華山堂闕碑銘

桐柏廟碑

九疑山碑

卷十三

楚相孫叔敖碑

漢故中常侍騎都尉樊君之碑

漢金城太守殷君碑

河間相張平子碑

曹娥碑

卷十四

魏敬侯衛覲碑陰文

黃陵廟記 節文

漢武帝鼎銘

漢武帝封禪刻石辭

漢祭金馬碧鷄文

漢祝長嚴訴碑銘

漢匡令趙君碑銘

漢王史威長銘

漢資中古碑伏羲贊

見史子

後漢祝睦碑銘

後漢慎令劉伯麟碑銘

漢司隸校尉楊厥碑

漢析里郟閣頌

漢無終山陽雍伯天祚玉田之碑

金石古文卷

成都楊慎升菴

倉頡陽虛山丹甲青文石刻



上天垂命皇辟迭王

按河圖玉板云倉頡為帝南巡登陽虛之山臨

焉齋于元扈洛汭之水靈龜負書丹甲青文以授之

帝文棍二十八字景刻于陽虛之石室李斯止識

八字曰上天垂命皇辟迭王今已不可尋矣

慎按為帝南巡作一句為音去聲言奉黃帝命

而代之南巡也

衡山雲密峯神禹碑

承帝曰嗟翼輔佐卿水處讀作洲渚與登鳥獸之門參身

洪流而明發爾興久旅忘家宿岳麓庭智營形折心

罔不辰往求平定華岳泰衡宗疏事哀勞餘伸禋鬱

塞昏徙南瀆衍享衣制食備萬國其甯竄舞永奔

食徐靈期衡山記云夏禹導水通瀆刻石書名山

之高酈道元水經注云禹治洪水血馬祭衡山

於是得金簡玉字之書按省玉字通水理也或

曰此卽金簡玉字之文云劉禹錫寄呂衡州化

光詩云傳聞祝融峯上有神禹銘古石琅玕姿

秘文龍虎形崔融云於鑠大禹顯允天德龍畫

傍分螺書匾刻韓退之詩岫巒山尖神禹碑字

青石赤形模奇又云于搜萬索何處有森森綠

樹猿猱悲蓋亦求之而未得見也宋朱晦翁張

南軒同遊南嶽尋訪不獲其後晦翁著韓文考

異遂謂退之詩爲傳聞之誤蓋以耳目所限爲

斷也王象之輿地紀勝云禹碑在岫巒峯又傳

金石古文卷一
在衡山縣雲密峯昔樵人曾一觀之自後無復
可尋宋嘉定中蜀士有好奇者不憚高峻始陟
其所乃濡紙脫其文七十二字刻于夔州觀後
亦磨滅近張季文僉憲在長沙得之云是宋嘉
定中何致字子一者模刻于嶽麓書院斯文顯
晦信有神物護持哉昔人好古如韓劉朱張求
一見而不可得余流辟裔土乃獲坐玩之亦奇
且幸矣遂拓刻之安甯州法華山之晚照峯仍
建亭曰响嘯亭

廬山紫霄峯石穴中禹刻

鴻荒濛余乃樁

鴻荒濛余乃樁

兼地輿志江西廬山紫霄下有石室中有禹刻篆

文有好事者縋而入摹之凡七十餘字止有鴻

荒濛余乃樁可辨餘不可識慎又觀水經注云

廬山之南有土霄石膏壁緬然與霄漢連接上

霄之南大禹刻石志其里數丈尺今猶得刻石

之號焉又云九江中孤石在落星石傍介立大

湖中周迴一里竦立百丈上生林木而飛禽不


集耆舊相傳昔禹治水至此刻石紀功又云會稽覆釜山亦有堯碑禹篆十二字福建莆田縣陳嵩山有自然仙篆以紙摹之形類禹刻何翥詩烏書蟲文不可識如讀响屢神禹碑禹之遺跡靈秘如此號曰神禹抑有由矣

商鼎銘


嗛嗛之德不足就也不可以矜而祗取憂也嗛嗛之食不足狃也不能爲膏而祗離其咎也

比干墓銅盤銘

右林左泉後岡前道萬世之靈茲焉是寶



金石古文卷一



金石古文卷一

成都楊慎榮升菴輯

周宣王石鼓文

我車既攻我車既同我車既好我馬既駢君子云獵
云獵云遊麇鹿速速君子之求彎彎肉弓弓茲以時
我驅其時其來猘猘德德矣卽御卽時麇鹿速速其
來大塗我驅其來續續射其豚屬

石甲鼓

汧絜泛泛丞彼潮淵鯁鯁處之君子漁之漫漫有鯨

其遊徹徹白魚鱗鱗其蕓底鮮黃白其編有鮒有白
其胡孔庶鸞之奠奠洋洋趨趨其魚惟何惟鱣惟鯉
何以囊之惟楊及柳

右乙鼓

田車孔安鞞勒駢駢六師旣簡左驂翻翻左驂驩驩
我以隄于原我戎止陸宮車其寫秀弓時射麋豕孔
庶麇鹿雉兔其原有迪其戎奔奔大車出洛亞獸白
澤我執而勿射多庶邈邈君子乃樂

右丙鼓

帥彼鑾車忽速填如秀弓孔碩彤矢笑笑四馬其寫
六轡沃若徒駢孔庶廓騎宣博曾車載道如徒如章
原隰陰陽趨趨六馬射之簇簇有軀如虎獸鹿如兕
怡爾多賢迪禽奉雉我兔允異

右丁鼓

我來自東霑雨奔流逆湧盈盈溍溍君子旣涉我馬
流汧汧繫洎漉丞士駕言西歸舫舟自廓徒駢連連
惟舟以道或陰或陽極深以戶出于水一方丞徒徨
止其奔我以阻其乃事

右戊鼓

宣猷作原作周導遊我辭攸除帥彼阪田莽爲世里
希微穢乃罟漆粟柞械其拔櫻榕庸庸鳴條亞笱其
華何爲所旂彘彘水盪導旨樹幽晤

右己鼓

徒御曄曄然而師旅填然會同又繹以左戎障弓矢
孔庶滔滔是熾射夫寫矢具奪舉擘其徒肝來或羣
或友悉率左右燕樂天子來嗣王始振振復古我來
攸止

右庚鼓

彼走驕驕馬庶哲哲華華雉毘位多庶微我師氏憲
文武何其一之

右辛鼓

我水旣淨我道旣平我行旣止嘉樹則里天子永甯
日惟丙申旭日杲杲我其旁導乘馬旣迪敵夏康康
駕彼四黃左驂騁騁右驂駮駮榮戟以奕汝不執德
旛翰黎黎旛旛旛旛施施公謂大來余及如茲邑曷不余
及

右王鼓

吳人憐亟朝夕傲惕載西載北勿奄勿伐若而出奇
進獻用特歸格藝祖告于太祝禘嘗受享致其方藝
寓逢中囿孔庶麇鹿原隰旣坦疆理曠曠大田不蒐
君子何求有謀有始周爰止于是

右癸鼓

此文在太學潘迪有音訓凡四百九十四字予
得唐人拓本於李文正先生凡七百二字蓋全
文也嘗刻之木以傳矣然都元敬金薤篇劉梅

國廣文選所收仍是殘缺四百九十四字本蓋
亦未見此也

周齊侯鍾銘

惟王五月辰在戊寅師于淄陘公曰汝及余經乃先
祖余旣敷乃心汝小心畏忌汝不墜夙夜官執而政
事余命汝政于朕三軍肅成朕師旟之政德諫罰朕
庶民左右毋諱及不敢弗敬戒虔卹乃死事穆和三
錫休命公曰及汝康能乃有爭率乃敵僚余用登純
厚乃命汝及母曰余小子汝敷余于艱阻虔卹不易

左右余一人余命汝城差正饗繼命於外內之事中
敷溫刑汝以敷戒公家應卹余于命刻伐履司敗乃
靈師保少臣惟輔咸有九處禹之都不顯穆公之孫
其配歟公之妯而馘公之女雩生叔是儻于齊侯之
所是小心共齊靈乃考虎謹恪其政事有共于桓武
靈公之所桓武靈公錫乃吉金鐵鑄元鏐鏐乃用
作鑄其寶鍾用享于其皇祖皇妣皇母皇考用祈眉
壽令命難老不顯皇祖其作福元孫其萬福純魯和
協而九事畏若鍾鼓外內斷辟都俞造而屏臬毋或

承類

周齊侯罇鍾銘

惟王五月辰在戊寅師于淄陘公曰汝及余經乃先
祖余既敷乃心汝小心畏忌汝不墜夙夜官執而政
事於宏厥乃心余命宏政于朕三軍成朕師旗之政
德諫罰朕庶民左右毋諱及不敢弗敬戒虔此乃死
事穆和三軍徒術雩乃行師慎中乃罰公曰及汝敬
其辭命汝應肅公家汝恐恪朕行師汝肇勲于戎攻
余錫汝釐都臈爵其祿三百余命汝佑辭釐造國徒

僕爲汝敵寮乃敢用拜手稽首弗較不對揚朕辟皇君之錫休命公曰及汝康能乃有事率乃敵寮余用登純厚乃命汝及母曰余季汝敷余于艱卹虔卹不易左右余一人余命汝差饗爲大事繼命于外內之事中敷溫刑汝以敷戒公家應卹余于溫卹汝以卹朕壽命命難老不顯皇祖其作福元孫其萬福純魯和協而九事俾若鍾鼓外內開辟造而屏臬母或承類汝壽考萬年承保其身俾百斯男而執斯字盡義政齊侯左右毋央已至于葉曰武靈成子子孫孫永

保用享

姜鼎銘

惟王九月乙亥晉姜曰余惟嗣政先姑公晉邦余不辱安甯經雍明德宣邠我猷用招君辭辟委揚乃先烈虔不墜諸覃享以寵我萬民嘉清錫我虎賁千兩勿廢文侯頽命俾貫通宏征鯨湯原取乃吉金用作寶尊彝用康西夏妥懷遠廷君子晉姜用蘄緯縮眉壽作敷爲亟萬年無疆用享用德峻保其子孫三壽是利

毛伯敦銘

惟二年正月初吉王在周邵宮丁亥王格于宣榭毛伯內門立中廷佑祝邠王呼內史冊命邠正曰邠昔先王既命汝作邑繼五邑祝今余惟疇商乃命錫汝赤芾彤冕齊黃鑿旂用事邠拜稽首敢對揚天子休命邠用作朕皇考龔伯尊敦邠其眉壽萬年無疆子子孫孫永寶用享

韓城鼎銘

惟王九月乙亥晉姜曰余惟嗣朕先姑君晉邦余不

畀亥甯至雖明德宜邠我猷用雨浹辟姬易久光
剿虔不墜諸覃享以暨我萬民嘉遺我錫胃責千兩
勿法文侯頽今俾貫通宏征繁湯員受久吉今用作
寶尊鼎用康西夏綏懷遠邦君子晉姜用祈綽綽眉
壽考缺爲極萬年無疆用享用德吮保孫子三壽是
利

周邾鼎銘

王命尸臣官此邠邑賜爾旂鸞黼黻瑀戈尸臣拜手
稽首曰敢對敷天子丕顯休命

衛靈公沙邱石櫛銘

不憑其子靈公奪而里

金石古文卷二

金石古文卷三

成都 楊慎 升菴 輯

秦詛楚文

久湫 久讀作故

又有通作秦嗣王敢用吉玉瑄璧使其宗祝郡馨布愆

告于不顯大沉久湫以底楚王熊相之多罪昔我先

君穆公及楚成王寔戮力同心兩邦若一絆以婚姻

衿以齊盟曰葉萬子孫母相為不利親仰大成久湫

而質焉今楚王熊相康讀作庸回無道淫泆耽亂宣侈

競縱變淪盟刺內之則暴虐不辜刑戮孕婦幽刺親
戚拘圉其叔父寘諸冥室橫棺之中外之則冒改久
心不畏皇天上帝及大沈久湫之光烈威神而兼倍
十八世之詛盟率諸侯之兵以臨加我欲剗伐我社
稷伐滅我百姓求蔑法皇天上帝及大沉久湫之卹
祠圭玉犧牲逮取我邊城新郢音及郟音長親我不
敢曰可今又悉興其衆張矜億怒飾甲底兵奮士盛
師以偪我邊境將欲復其貺音迹唯是秦邦之羸衆
倣賦翰讀作翰音棧輿禮使介老將去聲之以自救也

亦應受皇天上帝及大沉久湫之幾靈德賜克劑楚
師且復畧我邊城敢數上聲楚王熊相之倍盟犯詛著
諸石章以盟大神之威神

巫咸 文與久湫同

亞馳 亞馳讀作呼施 文與巫咸同

右秦詛楚文凡三曰久湫曰巫咸曰亞馳其石

皆出宋世說者謂初得巫咸文於鳳翔次得久

湫文於渭又次得亞馳文於洛其詞則一惟告

於神者隨號而異自石文之出黃魯直張芸叟

金石古交卷三
皆有訓釋歐陽公董彥遠王順伯皆有論辨世
必猶有存者偶未之見俟尋訪以校今音之異
同又東坡鳳翔八觀詩嘗紀其事舊在府廡宜
和中歸御府云

登鄒嶧山刻石文

皇帝立國維初在昔嗣世稱王討伐亂逆威動四極
武義直方戎臣奉詔經世不久滅六暴強二十有六
年上薦高號孝道顯明既獻泰成乃降專惠親巡遠
方登于嶧山羣臣從者咸思攸長追念亂世分土建

邦以開爭理攻戰曰作流血于野自泰古始世無萬
數阨及五帝莫能禁止迺今皇帝一家天下兵不復
起災害除滅黔首康定利澤長久羣臣誦畧刻此樂
石以著經紀

登泰山刻石文

皇帝臨位作制明法臣下修飭二十有六年初并天
下罔不賓服親巡遠方黎民登茲泰山周覽東極從
臣思迹本原事業祇誦功德治道運行諸產得宜皆
有法式大義休明垂于後世順承勿革皇帝躬聖既

金石古文卷三
平天下不懈于治夙興夜寐建設長利專隆教誨訓
經宣達遠近畢理咸承聖志貴賤分明男女禮順慎
遵職事昭隔內外靡不清淨施于後嗣化及無窮遵
奉遺詔永承重戎

登琅邪臺刻石文

維二十六年皇帝作始端平法度萬物之紀以明人
事合同父子聖智仁義顯白道理東撫東土以省卒
土事已大畢乃臨于海皇帝之功勤勞本事上農除
未黔首是富普天之下搏心揖志器械一量同書文

字日月所照舟輿所載皆終其命莫不得意應時動
事是維皇帝匡飭異俗陵水經地憂恤黔首朝夕不
懈除疑定法咸知所辟方伯分職諸治經易舉錯必
當莫不如畫皇帝之明臨察四方尊卑貴賤不踰次
行姦邪不容皆務貞良細大盡力莫敢怠荒遠邇辟
隱專務肅莊端直敦忠事業有常皇帝之德存定四
極誅亂除害興利致福節事以時諸產繁殖黔首安
甯不用兵革六親相保終始無寇賊驩欣奉教盡知
法式六合之內皇帝之土西涉流沙南盡比戶東有

東海北過大夏人迹所至無不臣者功蓋五帝澤及牛馬莫不受德各安其宇維秦王兼有天下立名爲皇帝乃撫東土至于琅邪列侯武城侯王離列侯通武侯王賁倫侯建成侯趙亥倫侯昌武侯成倫侯武信侯馮毋擇丞相隗林丞相王綰卿李斯卿王戊五大夫趙嬰五大夫楊樛從與議于海上曰古之帝也地不過千里諸侯各守其封域或朝或否相侵暴亂殘伐不止猶刻金石以自爲紀古之五帝三王知教不同法度不明假威鬼神以欺遠實不稱名故不長

久其身未歿諸侯陪叛法令不行今皇帝并一海內以爲郡縣天下和平昭明宗廟體道行德尊號大成羣臣相與誦皇帝功德刻于金石以爲表經

登之朶山刻石文

維二十九年時在中春陽和方起皇帝東游尋登之朶臨照于海羣臣嘉觀原念休烈追誦本始大聖作治建定法度顯著網紀外教諸侯光施文惠明以義理六國回辟貪戾無厭虐殺不已皇帝哀衆遂發討師奮揚武德義誅信行威燁旁達莫不賓服烹滅強

暴振救黔首周定四極普施明法經緯天下永爲儀
則大國哉宇縣之中承順聖意羣臣誦功請刻于石
垂于常式

刻碣石門文

遂興師旅誅戮無道爲逆滅息武殄暴逆文復無罪
庶心咸服惠論功勞賞及牛馬恩肥上域皇帝奮威
德并諸侯初一泰平墮壞城廓決通川防夷去險阻
地勢旣定黎庶無繇天下咸撫男樂其疇女修其業
事各有序惠被諸產久竝來田莫不安所羣臣誦烈

請刻此石垂著儀矩

登會稽山刻石文

皇帝休烈平一字內德惠攸長一十有七年親巡天
下周覽遠方遂登會稽宣省習俗黔首齋莊羣臣誦
功本原事迹追道高明秦聖臨國始定刑名顯陳舊
章初平法式審別職任以立恒常六王專倍貪戾傲
猛率衆自疆暴虐恣行負力而驕數動甲兵陰通間
使以事合從行爲辟方內飭詐謀外來侵遂遂起禍
殃義威殊之殄熄暴悖亂賊滅亡聖德廣密六合之

中被澤無疆皇帝并字兼聽萬事遠近畢清運理羣
物考驗事實各載其名貴賤竝通善否陳前靡有隱
情飭省宣義有子而嫁倍死不貞防隔內外禁止淫
泆男女潔誠夫爲寄殺之無罪男秉義程妻爲逃
嫁子不得母咸化廉清太治濯俗天下承風蒙被休
經皆遵軌度和安敦勉莫不順令黔首修潔人樂同
則嘉保太平後敬奉法常治無極輿舟不傾從臣誦
烈刻此石光垂休銘

秦蜀守李冰誓江神碑

竭不至足盛不沒腰

秦蜀守李冰湔壩堰官碑

深淘潭淺包隄

湔古灘字隄卽堰也

冰在蜀治水澤利民功烈盛矣誓神而至今不
敢違之教民而民至今不能違之其文又簡古
如此真異人哉

金石古文卷三

金石古文卷四

成都 楊 慎 升菴 輯

漢魯相置孔子廟卒史碑

司徒臣雄司空臣戒稽首言魯前相瑛書言詔書崇

聖道勉闕藝孔子作春秋制孝經闕二五經演易繫

辭經緯天地幽讚神明故特立廟褒成侯四時來祠

事已即去廟有禮器無常人掌領請置百石卒史一

人典主守廟春秋饗禮財出王家錢給大酒直須報

謹問大常祠曹掾馮牟史郭元辭對故事辟雍禮未

行祠先聖師侍者孔子子孫太宰太祝令各一人皆

備爵太常承監祠河南尹給牛羊豕雞關二各一大

司農給米祠臣愚以為如瑛言孔子大聖則象乾坤

為漢制作先世所尊祠用衆牲長吏備關二欲加寵

子孫敬恭明祀傳于罔極可許臣請魯相為孔子廟

置百石卒史一人掌領禮器出王家錢給大酒直他

如故事臣雄臣戒愚懇誠惶誠恐頓首頓首死罪死

罪臣稽首以聞制曰可元嘉三年三月二十七日壬

寅奏洛陽宮

元嘉三年三月丙子朔廿七日壬寅司徒雄司空戒

下魯相承書從事下當用者選其年四十以上經通

一藝雜試通利能奉宏先聖之禮為宗所歸者如詔

書書到言永興元年六月甲辰朔十八日辛酉魯相

平行長史事卞守長擅叩頭死罪敢言之司徒司空

府壬寅詔書為孔子廟置百石卒史一人掌主禮器

選年四十以上經通一藝雜試能奉宏先聖之禮為

宗所歸者平叩頭叩頭死罪謹案文書守文學

掾魯孔龢師孔憲戶曹史孔覽等雜試龢修春秋嚴

氏經通高第事親至孝能奉先聖之禮爲宗所歸除
龢補名狀如牒平惶恐叩頭死罪死罪上司空府

讚曰巍巍大聖赫赫彌章相乙瑛字少卿平原高唐

人令鮑疊字文公上黨屯留人政教稽古若重規

乙君察舉守宅除吏孔子十九世孫麟廉請置百石

卒史一人鮑君造作百石吏舍功垂無窮於是始

右漢魯相置孔子廟卒史碑今在曲阜蓋魯相

乙瑛上書請置百石卒史一人典主守廟司徒

吳雄司空趙戒以聞制從之蓋在元嘉三年三

月後魯相平補以孔和上書於司空府則永興

元年六月也攷之范史桓帝紀元嘉惟有二年

碑云元嘉三年三月者蓋是年五月始改永興

至十月而雄戒亦罷免矣

此碑殘闕據宋洪丞相隸釋錄其全文蓋漢文

高古難得將以供學士大夫之嗜好而不特此

碑然也凡子之錄漢刻其殘闕者皆以洪本足

之

漢魯相晨孔子廟碑

建甯二年三月癸卯朔七日己酉魯相臣晨長史臣
謙頓首死罪上尙書臣晨頓首頓首死罪死罪臣蒙
厚恩受任符守得在奎婁周孔舊寓不能闡宏德政
恢崇壹變夙夜憂怖累息屏營臣晨頓首頓首死罪
死罪臣以建甯元年到官行秋饗飲酒泮宮畢復禮
孔子宅拜謁神坐仰瞻棖桷俯視几筵靈所馮依肅
肅猶存而無公出酒脯之祠臣卽自以奉錢修上案
食酸具以敘小節不敢空謁臣伏念孔子乾坤所挺
西狩獲麟爲漢制作故孝經援神契曰元邱制命帝

卯行又尙書考靈耀曰邱生倉際觸期稽度爲赤制
故作春秋以明文命綴紀撰書修定禮儀臣以爲素
王稽古德亞皇代雖有褒成世享之封四時來祭畢
卽歸國臣伏見臨璧雍曰祠孔子以太牢長史備爵
所以尊先師重教化也夫封土爲社立稷而祀皆爲
百姓興利除害以祈豐穰月令祀百辟卿士有益於
民矧乃孔子元德煥炳光于上下而本國舊居復禮
之日闕而不祀誠朝廷聖恩所宜特加臣寢息耿耿
情所思惟臣輒依社稷出王家穀春秋行禮以供禋

祀餘闕賜先生執事臣晨頓首頓首死罪死罪臣盡

力思惟庶政報稱爲效增異輒上臣晨誠惶誠恐頓

首頓首死罪死罪上尙書時副言大傅大尉司徒司空大司農府治所部從事

昔在仲尼汗光之精大帝所挺顏母毓靈承做遭衰

黑不代倉闕杯應聘歎鳳不臻自衛反魯養徒三千

獲麟趣作端門見徵血書著紀黃玉韻應主爲漢制

道審可行乃作春秋復演孝經刪定六藝象興天談

鈎河擿洛却揆未然巍巍蕩蕩與乾比崇

魯相晨孔廟後碑

相河南史君諱晨字伯時從越騎校尉拜建寧元年

四月十一日戊子到官乃以今日拜闕孔子望見闕

觀式路虔踦既至升堂屏氣拜手祇肅屑僂髣髴若

在依依舊宅神之所安春秋復禮稽度元靈而無公

出享獻之闕字欽因春饗道物嘉會述修璧雍社稷

品制卽上尙書參以符驗乃敢承祀餘胙賦賜刊石

勒銘并列本奏大漢延期彌歷億萬

時長史廬江舒李謙敬讓五官掾魯孔暢功曹史孔

淮戶曹掾薛東門榮史文陽馬琮守廟百石孔讚副

金石古文卷四
掾孔綱故尙書孔立元世河東大守孔彪元上處土
孔褒文禮皆會廟堂國縣員穴吏無大小空府竭寺
咸俾來觀并泮宮文學先生執事諸弟子合九百七
人雅歌吹笙考之六律八音克諧蕩邪反正奉爵稱
壽相樂終日於穆肅雍上下蒙福長享利貞與天無
極

史君饗後部史仇誦縣吏劉耽等補完里中道之周
左牆垣壞決作屋塗色修通大溝西流里外南注城
池恐縣吏斂民侵擾百姓自以城池稻濡麥給令還
所斂民錢并史君念孔瀆顏母并去市道遠百姓耐
買不能得香美酒肉於昌平亭下立會市因彼左右
咸所願樂

又勅瀆并復民飭治桐車馬於瀆上東行道表南北
各種一行梓

假夫子冢顏母井舍及魯公守冢吏凡四人缺與佐
除

漢魯相造孔廟禮器碑

惟永壽二年青龍在涖歎霜月之靈皇極之日魯相

河南京韓君追惟太古華胥生皇雄顏闕育闕寶俱

制元道百王不改孔子近聖為漢定道自天王以下

至于初學莫不驩思歎叩師鏡顏氏聖舅家居魯親

里并官聖妃在安樂里聖族之親禮所宜異復顏氏

并官氏邑中闕一發以尊孔心念聖歷世禮樂陵遲

秦項作亂不尊圖書背道畔德離敗聖輿食糧亡于

沙邱君於是造立禮器樂之音符鍾磬瑟鼓雷洗觴

觚爵鹿椶榘籩枳禁壺修飾宅廟更作二與朝車威

熹宣杼元汗以注水流法舊不煩備而不奢上合紫

臺稽之中和下合聖制事得禮儀於是四方士仁聞

君風燿敬咏其德尊琦大人之意遠邈之思乃共立

表石紀傳億載其文曰

皇闕一統華胥承天畫卦顏育空桑孔制元孝俱祖

紫宮大一所授前闈九頭以什言教後封百王獲麟

來吐制不空作承天之語乾元以來三九之載八皇

三代至孔乃備聖人不世期五百載三陽吐圖二陰

出識制作之義以俟知闕一於穆韓君獨見天意復

聖二族遠越絕思修造禮樂胡璉器用存古舊字懸

懃宅廟朝車威熹出誠造闕漆不水解工不爭賈深

除元汙水通闕注禮器升堂大雨降澍百姓訴和舉

國蒙慶神靈祐誠竭敬之報天與厥福永享牟壽上

極華紫旁伎皇代刊石表銘與乾運耀長期蕩蕩於

盛復授赫赫罔窮聲垂億載

韓明府名勅字叔節潁川長社王元君真二百河東

大陽西門儉元節二百故涿郡太守魯庶次公五十

故會稽太守魯傳世起千故樂安相魯庶季公千故

從事魯張嵩眇高五百相主簿魯薛陶元方三百相

史魯周乾伯德三百

韓勅碑陰

故涿郡太守魯庶次公五千故從事魯張嵩眇高五

百潁川長社王元真二百故會稽太守魯傳世闕一

千相主簿魯薛陶元方三百河東太陽西門儉元節

二百故樂安相魯庶季闕一千闕一相史魯周乾伯

德三百曲成侯王嵩二百遼西陽樂張普仲堅二百

潁川長社王季孟三百故督郵魯趙輝彥臺二百河

南成臯蘇漢明二百其人處士汝南宋公國陳漢方

二百郎中魯充宙季將千河南雒陽种亮奉高五百
 故山陽南平陽陳漢甫二百御史魯孔翊元世千故
 兖州從事任城呂育季華三千任城番君舉二百太
 尉掾魯孔凱仲第千故下邳令東平陸王哀文博千
 任城王子松二百魯孔曜仲曜二百魯孔義甫闕一字
 百故穎陽令文陽鮑宮元威千任城謝伯威二百處
 士魯孔方廣率千河南雒陽李申伯百任城高伯世
 二百魯孔巡伯陽二百文陽蔣元道二百趙國邯鄲
 宋鎮元世二百相主簿薛曹闕一字濟興三百魯孔憲

闕一字則闕文陽闕二字文豫二百彭城廣闕一字姜尋孔

長二百相中賊史薛紹興公二百尙書侍郎魯孔彪

元上三千平原樂陵朱恭敬公二百薛闕一字高闕三字

魯孔闕一字漢光三百南陽宛張光仲孝二百平原隰

陰馬二元冀二百相史卞呂松遠百守廟百石魯孔

恢聖文千彭城龔洽世平二百騶韋仲卿二百哀成

侯魯孔建壽千河南雒陽王故子慎二百秦山鮑丹

漢公二百處士魯劉靜子著千故從事魯孔樹君德

千京兆劉安初二百故薛令河內温朱熊伯珍五百

故從事魯王陵少初二百魯孔朝升高二百魯石子
重二百下邳周宣光二百故豫州從事蕃加進子高
千故督郟魯开輝景高二百故平陵令魯庶侯元世
五百行義掾魯弓如叔都二百河間東州齊伯宣二
百魯曹性初孫二百魯劉仲臣二百北海劇袁隆展
世百陳國苦虞崇伯宗二百魯闕一元達二百魯夏
侯廬頭百魯周房伯臺百東海傳河東臨汾敬謙字
季松干闕尉闕五安季興五百相守史諱在芳世祖
二百魯孔建壽二百時令漢中南鄭趙寡學子闕魯

曹壽文闕相闕六賜公闕一輝世平百故丞魏令河

南京丁璿叔舉五百河浦退師度闕澤賢闕二魯傳

闕一字 子豫二百俟我交父治真百東郡武陽桓仲豫

二百左尉北海一趙福字仁直五百南陽平氏闕四字

二百魯闕一字 三百魯孔昭叔祖百元廬城子二百出

陽瑕邱九百元臺三百魯齊伯賢二百河東臨汾敬

闕一字 子直千泰山鎮平韋仲元二百闕二字 狼子二百

國廣張達平二百其闕一字 處士魯劉聖長二百河南

雒陽左叔虞二百泰山費滄于陵季遺二百上黨長

子楊萬子三百河南偃師骨闕一通國闕二東郡武

陽董氏二百故闕一侯相彭城劉闕一伯存五百

處士魯孔徵子闕一二百河南平陰樊文高二百

右韓勅碑陰隸釋所載凡六十有二人較予家

舊搨本闕三十有八人隸釋始曲成侯王曷終

河陽王敬予家本則始涿郡太守魯庶次公終

河南樊文高又有大不同者豈隸釋得之傳錄

故有此誤要當以搨本為是抑此及史晨後碑

歐陽公最號博古皆未之見唯趙氏金石錄有

之

漢泰山都尉孔宙碑

君諱宙字季將孔子十九世之孫也天姿醇嘏齊聖

達道少習家訓治嚴氏春秋緝熙之業既就而閨闈

之行允恭德音孔昭遂舉孝廉除郎中都昌長祗傳

五教尊賢養老躬忠恕以及人兼禹湯之非已故能

興朴闕一彫幣濟宏功於易簡三載考績遷元城令

是時東嶽黔首猶夏不闕三祠兵遺畔未甯乃擢君

典戎以文修之旬月之間莫不解甲服罪闕三擢田

峻喜于荒圃商旅交乎險路會鹿鳴於樂崩復長幼
於酬酢闕三字稔會遭篤病告困致休得從所好年六

十一延熹六年正月乙未闕三字疾貴速朽之反真慕

甯儉之遺則窀夕不華明器不設凡百叩高闕三字述

於是故吏門人乃共陟名山采嘉石勒銘示後俾有

葬式其辭曰

於顯我君懿德惟光紹聖作儒身立名彰貢登王室

閻闕是虔夙夜闕二字在公明明乃綏三縣黎儀以康

於天時靡撫茲岱方闕一字彼凶人覆俾闕二字南畝孔

饁山有夷行豐年多黍稱彼兕觥帝賴其勲民斯是

皇疾闕五字乃委其榮忠告慤勲屢省乃聽恭儉自終

簠簋不陳生播高譽沒垂令名永矢不刊億載揚聲

延熹七年七月戊闕造

門生故吏名

門生鉅鹿癭陶張雲字子平門生鉅鹿癭陶趙政字

元政門生鉅鹿廣宗捕巡字升臺門生東平甯陽韋

勲字幼昌門生魏郡館陶張上字仲舉門生魏郡館

陶王時字子表門生魏郡陰安張典字少高門生魏

郡魏孟忠字待政門生魏郡魏李鎮字世君門生魏
郡館陶吳讓字子敬門生魏郡館陶文儉字元節門
生魏郡館陶鄉瑱字仲睢門生魏郡鄴叔香字伯子
門生東郡東武陽梁淑字元祖門生東郡衛公國趙
恭字和平門生東郡東武陽張表字公方門生東郡
東武陽滕穆字奉德門生東郡樂平桑演字仲厚門
生東郡樂平靳京字君賢門生東郡樂平梁布字叔
光門生東郡樂平桑顯字伯異門生陳留平邱司馬
規字伯昌門生安平下博張祺字紉松門生安平下

博張朝字公房門生安平下博蘇觀字伯臺門生安
平堂陽張琦字子異門生北海安邱齊納字榮謀門
生北海都昌呂升字山甫門生北海劇秦麟字伯麟
門生北海劇如廬浮字遺伯門生北海劇薛鄒字勝
輔門生北海劇高冰字季超門生濟南梁叔趙震字
紉政門生濟南梁鄒徐璜字幼文門生濟南東平陵
吳進字升臺門生甘陵廣川李都字元章門生甘陵
貝邱賀曜字升進門生魏郡清淵許祺字升明門生
魏郡館陶史崇字少賢門生魏郡館陶孫忠字府文

門生東郡樂平盧精字子節門生任城任闕二字景

漢門童安平下博張忠字公直故吏北海都昌逢祈

字伯熹故吏北海都昌薤章字文理故吏北海都昌

魏稱字文長故吏北海都昌呂規字元規故吏泰山

費魚淵字漢長故吏泰山華母樓顛字世光故吏泰

山南城禹規字世舉故吏泰山南武陽蕭誨字伯謀

故民泰山費滔于黨字季闕弟子北海劇陸暹字孟

輔弟子陳留襄邑樂禹字宣舉弟子下邳下邳朱班

字宣闕弟子東平甯陽周順字承闕弟子沛國小沛

周升字仲甫弟子魯國文陽陳裒字聖博弟子汝南

平輿謝洋字子讓弟子山陽瑕邱丁瑤字實堅弟子

魯國戴璋字元珪弟子魯國卞王政字漢方

右孔宙碑陰不云碑陰而云門生故吏名此漢

碑中之僅見者前碑云故吏門人陟山采石勒

銘示後則此所載皆其人也今按宙門生四十

二人門童一人弟子十人故吏八人故民一人

隸釋謂漢儒開門授徒親受業者則曰弟子次
相傳授則曰門生未冠則曰門童總而稱之亦

曰門生舊所治官府其掾屬則曰故吏占籍者
則曰故民非吏非民則曰處士素非所蒞則曰
義士義民此皆讀漢碑者之所當知而隸釋人
間少傳故著之

金石古文卷四

金石古文卷五

成都 楊 慎 升菴 輯

漢博陵太守孔彪碑

君諱彪字元上孔子十九世之孫潁川君之元子也
君少履天姿自然之匹帥禮不爽好惡不愆考哀度
衷修身踐言龍德而學不至於穀浮游塵埃之外矚
焉汜而不俗郡將嘉其所履前後聘召蓋不得已乃
翻爾束帶宏論窮理直道事人仁必有勇可以託六
授命如毛諾則不宿美之至也莫不歸服舉孝廉除

郎中博昌長疾病留宿闕遷闕京府丞未出京師遭

大君憂泣踰臯魚喪過乎哀謹畏舊章服竟還署試

拜尚書侍郎無偏無黨遵王之素薦可黜否出闕二

度日恪位闕所在祇肅拜治書御史膺臯陶之闕一

恕闕二參之闕五律祇用既平闕博陵太守郡阻山

字闕二以饑饉斯多草竊罔不闕賊劉闕一張丙等白

日攻剽坐家不命君下車之初闕五教以博闕削四

凶以勝殘乃闕三爰尚桓桓拯馬繩害醜類已殫路

不拾遺斯民以安發號施憲每合天心闕之所惡不

以強人義之所欲不以闕三姓樂政而歸于德望如

父母順如流水遷下邳相河東太守舉此闕二君子

風也未怒而懼不令而從雲行雨施闕二大河海內

歸公卿之任矣勞而不伐有實若虛固執謙需以病

辭官去位闕闕以孝竭闕餘暇徧彈琴擊磬闕卅

廿九建闕四年七月辛未闕三哀哉魂神超邁寂兮

冥冥遺孤切絕于嗟想形闕三哀遠念不欲生羣臣

號咷靡所復逞夫逝往不可追兮功闕三識惟君之

軌迹兮如列宿之錯置易建八卦揆着繫辭述而不

作彭祖賦詩皆讚所見于時頌關二是關吏崔關三

王沛等伏信好古敢詠顯關乃刊斯石欽銘洪基昭

示後昆申錫鑒思其辭曰

穆穆我君大聖之胄惇懿允元觀其元秀惟嶽降精

誕生忠良奉應郡貢亮彼我關克明王道辯物居方

周關四也匹名朝無秕政直哉惟清出統華夏化以

典成關猗歆逆賢倚關庭帝重乃勛自關二征所臨

如神關六之翰先民是程宜乎三事金鉉利貞而絜

白駒俾世憤惻當享眉耆莫匪爾極大關三邈矣不

意于嗟悲兮關三息滂滂庶幾復焉所力咨乎不朽

沒而德存伊尹之休格于皇天惟我君績表于丹青

永永無沂與日月并于嗟關二于以慰靈

孔彪碑陰

故吏司徒掾博陵安平崔烈字威考故吏齊關博陵

安平崔恢字行孫故吏乘氏令博陵安平王沛字公

豫故吏司空掾博陵安國劉德字伯桓故吏外黃令

博陵安國劉揚字子長故吏白馬尉博陵關齊智

字子周故吏五官掾博陵安平劉麟字幼公故吏五

官掾博陵安平王瑤字顯祖故吏五官掾博陵安平
孟循字敬節故吏五官掾博陵高陽史應字子聲故
吏五官掾博陵南深澤程祺字伯友故吏五官掾博
陵南深澤程祚字元祐故吏五官掾博陸安國劉機
字闕闕

漢司隸校尉魯峻碑

君諱峻字仲嚴山陽昌邑人其先周文公之碩胄
字伯禽之懿緒以載于祖考之銘也君則監營謁者
之孫修武令之子體純和之德秉仁義之操治魯詩

兼通顏氏春秋博覽羣書無物不看學爲儒宗行爲
士表漢闕始住佐職牧守敬恪恭儉州里歸稱舉孝
廉除郎中謁者河內太守丞喪父如禮辟司徒府舉
高第侍御史東郡頓邱令視事四年比縱豹產化行
如流遷九江太守闕殘酷之刑行循吏之道統政闕
載穆若清風有黃霸召信臣在潁南之歌以公事去
官休神家術未能一替爲司空王暢所舉徵拜議郎
太尉長史御史中丞延熹七年二月丁卯拜司隸校
尉董督京輦掌察羣闕一蠲細舉大權然疏發不爲

小威以濟其仁弼中獨斷以效其節案奏闕公彈紕

五卿華夏祇肅佞穢者遠遭母憂自乞拜議郎服竟

還拜屯騎校尉以病遜位守疏廣止足之計樂於陵

灌園之潔閉門靜居琴書自娛年六十一熹平元年

闕月癸酉卒明年四月庚子葬於是門生汝南干闕沛

國丁直魏郡馬萌勃海呂圖任城吳盛陳留誠屯東

郡夏侯宏等三百廿人追惟在昔游夏之徒作謚宣

尼君事帝則忠臨民則惠乃昭告神明謚君曰忠惠父息獻不才弱冠而孤承堂弗構析薪弗

何悲蓼莪之不報痛昊天之靡嘉闕字一企有紀能不

號嗟刊石敘哀其銘曰

巖巖山岳礪落彰較棠棠忠惠令德孔燦命闕時生

雅度宏綽允文允武厥姿烈遑內懷溫潤外撮強虐

督司京師穆然清邈當闕緄職為國之權匪究南山

遐邇仞惻凡百君子欽謚嘉樂永傳童齡晚矣昉昉

右漢司隸校尉魯峻碑水經注以峻為恭趙氏

謂方輿志寰宇記皆作峻而辨水經之誤予家

舊藏此碑峻字明白可識趙氏果有其本何乃

不知而必欲證之以地里書也歐陽公謂峻最

後爲屯騎校尉而碑首題云司隸校尉莫曉其
義隸釋云漢人碑志或以所重之官揭之司隸
官尊而職清非列校可比故書之也此足以祛
歐公之惑鄭夾漈又謂此碑書於蔡邕按徐浩
古迹記其敘邕書惟三體石經西岳光和殷華
馮敦數碑及考其他字書亦未聞邕嘗書此不
知鄭氏何所據也

魯峻碑陰

故吏河內闕一官闕一幼流闕三故吏九江壽春陳

龔伯闕一五百故吏九江壽春任闕一孝長五百故

吏東郡領兵許踰伯通五百門生沛國丁良闕一榮

千門生勃海闕二呂闕一世階千門生東郡汝陽敢

敦登高千門生汝南召陵千商明公五百門生南陽

新野闕一顯文闕一五百門生平原闕一路龍顯公

五百門生任城樊兒雄太平五百門生平原樂

陵路福世輔三百門生魏郡斥邱李牧君伯三百

門生魏郡繁陽王輔子助三百門生河東郡闕一陽

闕二文智三百門生汝南汝陽郡立闕二三百門生

東郡闕一邑闕三松二百門生東郡闕一平闕四二

百門生東郡樂平闕顯闕二二百門生東郡樂平

闕四二百門生魏郡內黃闕四三百門生東郡闕一

陽王闕一少闕二二百門生汝南潁強尹倭闕二二

百門生汝南潁強尹顯闕二百門生勃海南皮劉

扶節闕一二百門生勃海南皮劉盛興闕二二百門生

河間阜成東鄉晨子闕一二百門生河間阜成東鄉

恭公二百門生平原西平昌劉本景闕一二百門生

平原張謙伯讓二百門生陳留尉氏夏統子思二百

門生濟陰乘氏許仁伯德二百門生濟陰闕一狐周

維元興二百義士梁國甯陵及強強良二百

右魯峻碑陰歐陽公趙明誠皆失收錄至洪承

相隸釋於漢碑搜羅殆盡而亦復遺焉予家此

碑不特人間少有且文字麓完可讀惜不三公

見之

漢北海相景君碑

惟漢安二年仲秋闕二故北海相任城景府君卒嗚

呼哀哉國闕二寶英彥闕一疇列宿虧精晚學後時

于何穹蒼布命授期有生有死天寔爲之豈夫仁哲
 彼克不遺於是故吏諸生相與論曰上世羣后莫不
 流光闕於無窮垂芬耀於書篇身歿而行明體亡而
 名存或著形像於列圖或繫頌於管弦後來詠其烈
 竹帛叙其勳乃作誄曰
 伏惟明府受質自天孝弟淵懿帥禮蹈仁根道核藝
 抱淑守眞晶白清方克已治身寔柔寔剛乃武乃文
 遵考孝謁假階司農流德元城興利惠民強禦改節
 微翊蒙恩成立澤宣化行如神帝嘉厥功授以符命

守郡益州路遐戀親躬作遜讓夙宵朝廷建英忠讜
 拜秩東衍璽追嘉錫據北海相部城十九鄰邦歸向
 分明好惡先以敬讓殘僞易心輕黠踰竟鴉梟不鳴
 分子還養元元鰥寡蒙祐以甯蓄道修德闕祉以榮
 紛紛令儀明府體之仁義道術明府膺之黃朱邵父
 明府三之台輔之任明府宜之以病被徵委位致仕
 民闕思慕遠近搔首農夫釋耒商人空市隨舉飲淚
 奈何朝廷奪我慈父去官未旬病乃困危珪璧之質
 臨卒不回闕霄絕奄勿不闕孝子慟慟顛倒剝摧

遂闕克寤永潛長歸州里鄉黨隕涕奔哀故吏切怛

歔闕何四海冠蓋驚勸傷懷大命闕期寔惟天

闕明主設位明府不就臣子欲養明府弗留嗚呼哀

哉

辭曰考績幽窆闕三兮闕四翔議郎兮再命虎將綏

元元兮規英槩謨主忠信兮羽衛藩屏撫萬民兮闕四

字闕恩闕字闕兮宜參鼎輔闕一幹正兮不永麋壽弃臣

子兮仁敷海外著甘棠兮闕石勒銘闕不亡兮

右北海相景君碑金石錄云在濟州任城縣蓋

任氏在漢為任城人也予按濟州即今之濟甯

州今碑乃在州學不知何年移置於此通志金

石畧以不知其地故直云未詳姚江謝中舍大

中近過濟甯搦以見惠子家自祖宗來藏碑頗

富兼以予好收錄中間得於朋友之助者十常

四五如此碑是也

北海相景君碑陰

故闕字闕中部督郵都昌羽忠字定公故門下督盜賊

劇闕字闕一頌字闕一遠故門下議史平昌蔡規字仲舉

故門下書佐 營陵孫榮字世榮故門下書佐溘于

逢 訢字闕一成故騎吏劇 晉麟字 敬石故吏

朱虛孫徵字武闕一故吏營陵薛逸字伯踰故吏營

陵闕二字中闕一故吏都昌呂福字益闕故吏都

昌強闕一字光闕一故書佐都昌羽質字孟闕一故

書佐闕一虛闕二字君大故書佐闕一壽溘于闕四

故書佐營陵徐昌字昌善故書佐都昌闕一彤字闕

甫故書佐溘于孫懼元闕一故書佐營陵鍾顯字

闕一實故書佐東安平闕一廣字廣宗故書佐劇紀

政字世堅故書佐溘于孫晁字威光故修行都昌台

邱暹字世德故修行都昌董方字季方故修行營陵

田闕一字漢興故修行都昌闕二字闕一久故修行

營陵闕一字護宗故修行營陵闕一暹字武闕一故

修行營陵臨照字景耀故修行都昌張駸字臺闕一

故修行營陵溘于登字登成故修行營陵顏理字中

理故修行營陵水邱郃字君闕一政修行都昌呂興

字世興故修行都昌逢進字世安故書佐劇徐德字

漢昌故書佐劇姚進字元豪故書佐劇邴鍾字元鍾

故書佐都昌張翼字元翼故修行都昌張闕一字季

遠故修行劇中闕字季遠故修行平闕二允字世

允故修行溘于趙尙字上卿故修行都昌段晉字世

節故修行都昌齊晏字闕一子故午營陵闕遷字

世達故午營陵田敏字元成故午溘于董純字元祖

故午營陵縹良字世騰故午朱虛吳詩字孟道故午

都昌呂邱遷字孟堅故闕二都昌齊冰字文達故闕

字都昌張亮字元行三年服凡八十七人豎建

闕一虎闕二故臣史慎終追遠闕六墳園闕二禮備

陵成闕一立樹列既就聖典有制三闕二墓側永懷

闕十一遺辭以明闕三靈瑕顯降吾嘉祐

漢敦煌長史武班碑

建和元年太歲在丁亥二月辛巳朔廿三日癸卯長

史同闕下

郭煌長史武君諱班字宣張昔殷王武丁久伐鬼方

元功章炳勲藏王府官族分析因以為氏焉武氏蓋

其後也適周遐邇歷世曠遠不隕其美漢興以來節

位相踵闕朝忠臣君幼闕顏閔之闕一質長敷游夏

之文學慈惠寬闕孝有元妙苞羅術藝貫洞聖闕博

兼闕二 耽綜典籍闕二 純求福不回清聲美行闡形

遠近州郡闕二 兼其高賢闕二 請以闕二 歲舉闕 翼紫宮

字闕二 詔除光顯玉室有闕 於國帝庸嘉之掌司古闕

領校祕鄭研闕幽微追昔劉向辨賈之徒北闕 萬矣

時戎闕二 匡正闕二 朝廷惟憂闕二 有司闕二 舉

君班到官之日闕 癘吏士孝虎之怒薄伐闕九 竝百

姓賴之邦域既翮久勞于外當還本朝以叙左右以

永嘉元年闕月闕日遭疾不闕哀闕於是金鄉長河

間高陽史恢等追惟昔日同歲郎署感闕為自古在

昔先聖與仁闕二 興替闕二 人存生勞死哀是闕萬

年伊君遺德闕 孔之珍故闕 石銘碑以旌明德焉其

辭曰

於惟武君允德允恭受天休命積祉所鍾其在孩提

岐嶷發蹤謙闕 守約唯誼是從孝深凱風志潔羔羊

樂是闕二 怡此闕 光孳孳臨川闕見闕 牆庶仰其首

微妙闕元通闕 然清闕六 升闕 為帝股肱扶助大和萬

民闕一 蒙顯宗闕二 史官書功昊天上帝降茲鞠凶

晡忽徂逝闕四不享闕考大命闕二百遺惟闕后帝

感傷學夫喪師士女悽愴闕表金門令問不忘垂闕

後昆萬載歎誦

尚書丞沛國蕭曹芝闕宣成武令中山安熹曹种闕二

字豐令下邳長成徐崇闕二故陳留府丞魯國魯闕四

字防東長齊國臨菑闕紀伯允書此碑嚴祺字伯曾

金石古文卷五

金石古文卷六

成都楊慎升菴輯

漢執金吾丞武榮碑

君諱榮字含和治魯詩經韋君章句闕幘傳講孝經

論語漢書史記在氏國語廣學甄微靡不貫綜久遊

太學藐然高厲解於雙匹學優則仕為周書佐郡曹

史主簿督郵五官掾功曹守從事年卅六汝南蔡府

君察舉孝廉闕二郎中遷執金吾丞遭孝桓大憂屯

守元武戚哀悲慟加遇害氣遭疾隕靈闕四君即吳

郡府卿之仲子燉煌長史之次弟也廉孝相承亦世載德不忝闕四命闕不竟台衡蓋觀德於始述行於

終於是刊石勒銘垂示無窮其辭曰

天降雄產資才卓茂仰高鑽堅允文允武內闕一三

署外闕師旅闕勒屯守舊威闕武闕旗絳天雷震電

舉歎耀赫然陵惟哮虎當遂股肱闕之元輔天何不

弔降此闕咎癘乎我君仁如不壽爵不副德位不稱

功感懷傷愴遠近哀同身沒闕二萬世諷誦

右漢執金吾丞武榮碑歐陽公謂其文字殘缺

不見卒葬年月及氏族所出予家本殘缺與歐

公同而隸釋所載者則文往往可讀如云君即

吳郡府卿之子燉煌長史之次弟此乃其氏族

之所出也但碑文簡短不書卒葬年月歐公特

未之知耳

漢荊州刺史度尚碑

君諱尚字博平其先出自顓頊與楚同姓熊嚴之後

亦世掌位統國法度秦兼天闕和之純質秉黃中

之正性智含淵藪仁隆春煖義高秋雲行潔冰霜懔

慨壯厲臨闕休譽固已著矣及其典牧必招振賢才

抽拔幽逸選召所任極當世之秀士養民有闕令聞

彌崇暉光日新可謂盛德者已初奉歲計拜郎中除

上虞長元化潛洞百姓闕數縣恩信竝宣令行禁止

以從父憂去官更舉孝廉為右校令是時南蠻蠢動

擢拜闕醜殊俗賓服遠人用綏封右鄉侯遷遼東太

守旬月之間蔽貉雷輯會楊賊畔於闕拜中郎將料

敵制勝威謀合神持重優於營平深入則輕冠軍附

士渥於李廣御眾闕同滋味必達并辨幕然後飲舍

惠以厚下說以犯難是故所征輒克師徒無頓闕寇

殄殪干戈載戢走馬以冀朝貪厥重復拜荊州刺史

以故秧居冊書慰薦因賜闕之荆域號慕雖周人之

思召伯弗此踰也於是故吏感清廟之頌歎斯父之

詩乃闕曰於惟我允懿允明文武是該克忠克貞粵

初發藻在彼上虞邁種厥德闕矣匪祿是榮無言不

讐帝揚厥聲俾作配闕往撫于荆撫荆惟何南夏是

闕邦家截彼海外績莫匪嘉天生我侯實為民望心

乎其愛四方是印如何不永闕而不死芳烈遺兮

永康元年歲在鶉尾龍集丁未時維闕歲闕

右漢荊州刺史度尙碑尙後漢書有傳碑今在

徐州州治蓋成化間吾鄉顧君崇善以工部郎

中管理河道見其淪於湖陵城闌出之遂置於

此按酈道元水經注云湖陵城東有度尙碑則

自漢至晉自晉至今而此碑未嘗徙也又隸釋

云政和中巡檢王當世見其在湖陵荒野遷之

官解後邑令勝君欲徙碑於沛舟載而覆沉沒

不出又其後劉宗儀攝令乃立之於使星亭然

不知此碑何年復淪入水中今惟存其首漢荆

州刺史度侯之碑九字其餘文字悉皆漫滅特

頑然斤石而已蓋閘水撞激日久其字之不存

宜也

漢桂陽太守周府君碑

桂陽太守周府君者徐州下邳人也諱憬字君光體

性敦仁天資篤厚行興閭門名闕州里舉孝廉拜尙

書侍郎遷汝南固始相遂拜桂陽廼宣魯衛之政敷

二南之澤政以德綏化猶風騰撫集烝細闕綏有方

進則貞直退則錯枉崇舉濟濟吉士克朝招訓闕蒙

開誘六蔽君子道長小人道消信感神祇靈瑞符闕

嘉穀生於野奇草像闕一蒲異根之樹超然連理於

此闕時邦域惟甯郡又與南海接比商旅所臻自瀑

亭至乎曲紅壹由此水其水源也出於王禽之山山

蓋隆闕三字天泉肇沸踊發射其顛分流離散為十

二川彌陵隄阻邱阜錯連隅陬壅遏未由騁焉爾乃

貫山鑿石經闕四字揚爭怒浮沉潛伏虵龍蝘屈灑隆

鬱浥干渠萬澮合聚谿澗下迄安闕一字六瀧作難湍

灑闕二字泣沄潺湲雖詩稱百川沸騰高岸為谷深谷

為陵蓋莫若斯天軌所經惡得已改其下注也若奔

車失轡狂牛無縻闕勿荒忽臚睦不相知及其上也

則羣輩相隨檀柁提闕唱號慷慨沈深不前其成敗

也非徒喪寶玩隕珍奇替珠貝流象犀也往古來今

變甚終矣於是府君乃思夏厚之遺訓闕應龍之畫

傷行旅之悲窮哀闕一人困尼感蜀守冰珍絕翠堆

嘉夫昧淵永用夷易廼命良吏闕一字帥壯夫排積闕

字石投之寥闕二字高填下鑿截回曲弼水之邪性順

導其經脉斷硯濫之電波弱陽侯之涵涌由是小蹊
乃平直大道允通利抱布貿絲交易南至升涉周旋
功萬於前除昔闕二樹塞於茲雖非龍門之鴻績亦
人君之德宗故船人嘆於水渚行旅語於塗陸孔子
曰禹不決江鍊河吾其魚矣於是熹平三年歲在攝
提仲冬之月曲紅長零陵重安區祉字景賢遵承典
憲宣揚德訓帥禮不越欽仰高山乃與邑子故吏龔
臺郭蒼龔雒等肉工擊石建碑于瀧上勒銘公功傳
之萬世垂示無窮其辭曰

乾坤部兮建兩儀剛柔分兮有險夷咨中嶽兮穆崔
嵬嘆衡林兮獨傾虧增陵峭兮甚隘崎鮫莫涉兮禹
不規仰王禽兮又唾晚俯瀧淵兮恒以悲岸參天兮
無路蹊石縱橫兮流洄洄波隆隆兮聲若雷或抱貨
兮以從利或追恩兮有義汜白楫兮有不避闕躬軀
兮於元池委性禽兮於芒緇情寒懷兮不皇計忽隨
流兮殆忘歸懿賢后兮發聖莢閉不通兮治斯谿蹙
巨石兮以湮填開切闕一兮導曲機摧六瀧兮弱闕五
字兮散其波威怒定兮混瀾息聊啾兮闕五逝瀾兮

蛟龍藏陸老昌兮臚人歌名冠世兮超踰倫今稱闕

芬耀流沙功斐斐兮鏡海裔君乎君壽不訾

此碑元季廬陵陳謨跋謂漢刻本在隴上唐重

刻本在曲江廟中不知何時徙置郡學韶州守

錢旭既新府治以韶在漢屬桂陽乃徙置之後

楊文貞公跋亦云碑在韶州府治按府治今為

王府碑由是仍徙曲江廟中東廣漢碑絕少

所有惟斯而已

周府君碑陰

故曲紅長零陵重安區祉字景賢故含滙長南郡闕

字蒼陸字闕夏故滇陽守長南平丞長沙漢昌蹇祇

字宣節故行事來陽華夏字漢威故荊州從事曲紅

龔臺字少謙故荊州從事曲紅郭蒼字伯起故荊州

從事柳王鼎字季尼故南部督郵曲紅龔雒字闕然

故吏曲紅鄧音字孝直故吏曲紅朱隲字義德故吏

曲紅張涼字子才故吏曲紅龔達字叔通故吏曲紅

黃部字世尼故吏曲紅周蓋字伯嘗故吏曲紅黃晏

字子齊故吏曲紅馬珪字元序故吏曲紅潭承字曼

升故吏曲紅劉鵠字季產故吏曲紅黃祺字叔仁故

吏曲紅周習字仲鸞故吏曲紅劉越字子省故吏柳

褚禧字闕讓故吏來陽蔡闕字已明故吏滇陽左尉

零陵泉陵闕字闕故吏滇陽劉萌字仲闕故吏滇陽左

勝字仲升故吏滇陽左龢字妙舉故吏滇陽宋碩字

子張故吏含涯堯禹字公制故吏含涯張邵字曼威

故吏含涯黃詳字伯節工師南陽宛王遷字子疆

漢衛尉衡方碑

府君諱方字興祖肇先蓋堯之苗木姓闕則有伊

尹在殷之世號稱阿衡因而氏焉闕土家千平陸

君之烈祖少以儒術安貧樂道履該顏原兼修季由

聞斯行諸砥仁癘闕土階夷愍之貢經常伯之賓

位左馮翊先帝所尊垂名竹帛考廬江太守兄鴈門

太守闕字闕孝長發其祥誕降于君天資純懿昭前之

美少以文塞敦龐允元長以欽明耽詩悅書闕秋

仕郡辟州舉孝廉除郎中郎邱侯相膠東令遵尹鐸

之導保鄣二城參國起按斑敘闕本肇末化速郵

置州舉尤異遷會稽東部都尉將繼南仲邵虎之軌

飛翼軫之旌操參闕三綏未王之蠻會喪太夫人感

倍人之凱風悼蓼莪之劬勞寢闔苦闕一仍闕上言

倍榮向哀禮服祥除徵拜議郎右平太守尋李廣之

在邊恢魏絳之和戎戎戢土佚費省巨億懷闕四靜

有績遷潁川太守修清滌俗招拔隱逸光大茅茹國

外浮闕一淡界繆動氣泄狂闕五歸未洙泗用行舍

藏徵拜議郎遷太醫令京兆尹舊都餘化詩人所詠

竝有亡新君闕四隆寬慄鶉火光物隕霜剿姦振滯

起舊存亡繼絕恩降乾太威肅剝坤本朝錄功入登

衛闕二翼紫宮夙夜惟寅委蛇在公有單襄穆典謨

之風詔選賢良招先逸民君務在闕失順其文舉已

從政者退就勅巾永康之末君衛孝桓建甯初政朝

用舊臣留拜步邱校尉處六師之帥維時假階將授

袞職受任浹旬奄離寢疾年六十有三建甯元年二

月五日癸丑卒詔遣使闕一弔賻禮百賓臨會莫不

失聲其年九月十七日辛酉葬蓋雅頌興而清廟肅

中庸起而祖宗闕故仲尼既歿諸子綴論斯干作歌

用昭于宣闕一以旌德銘以勒勲於是海內門生故

吏闕三 采嘉石樹靈碑鏄茂伐祕將來其辭曰

峩峩我君懿烈孔純高朗神武歷世忠孝馮隆鴻軌

不忝前人寬猛不主德義是經韜綜頭闕 温故前呈

攬英接秀踵迹晏平初據百里顯顯令聞濟康下民

曜武南會邊民是鎮惟闕三 憂及退身參議帝室剖

符守藩北靖闕二 有闕 有聲旋守中嶽幽滯以榮邁

種舊京闕四 含澤戴仁闕一 攸甯克長克君不虞不


陽維明維允耀闕一 聲香能愆能惠剋亮天功入統


闕三 赴赴光光法言稽古道而後行兢兢業業素絲

羔羊閭閻侃侃駟駟昂昂何規履渠金玉其相譽譽

王臣羣公憲章樂只君子闕二 無彊銘勒金石闕五

問闕二 萬世是傳





金石古文卷六

金石古文卷七

成都楊慎天升庵輯

漢酸棗令劉熊碑

君諱熊字孟闕廣陵海西人也厥祖天皇大帝垂精

接感篤生聖明闕仍其則子孫享之分源而流枝葉

扶疏出王別允受爵列土封侯載德相繼不顯闕五

光武皇帝之元孫廣陵王之孫俞鄉侯之季子也誕

生照明岐嶷踰絕長闕四柴守約履勤禮聖心叡敦

五經之瑋圖兼古業覈其妙行修言道闕五宜京夏

莫不師印六籍五典如源如泉既練州郡卷舒委隨

忠貞闕效官闕三出省楊土流化南城政猶北辰衆

星所從三祀有成來臻我邦循東闕之惠抑闕禮官

賞進厲頑約之以禮博之以文政教如初慎徽五典

勤恤民殷闕心顧下闕三仁恩如冬日威猛烈炎夏

貪究革情清修勸慕德惠潛流邕芳旁布尤愍縣闕

濟濟之儀孜孜之踰帥厲後學致之雍泮草上之風

七業勃然而興咸居今而好古雖未盡道善必有所

由處民之秉彝實我劉父其人魯無君子斯焉取旃

允我劉父言善誘人講禮習聆匪徒豐學屢獲有年

闕載克成神民協欣兩不相傷故德交歸焉自古在

昔先民有作洪勳則甄盛德闕刻表諸耒世垂之罔

極褒賢表善揚幽拔微式序在位量能授宜官無曠

事闕二為正以卒為更愍念烝民勞苦不均為作正

彈造設門更富者不獨逸樂貧者闕順四時積和感

暘歲為豐穰賦稅不煩實我劉父吏民愛若慈父畏

若神明悔闕令德清越孤竹德牟產奇誠宜褒顯照

其憲則乃相闕咨度諏詢采摭謠言刊闕詩三章其

金石古文卷七
二學古齋校本

辭曰

清和穆鑠實惟乾闕一惟嶽降靈篤生我君服骨馭

聖允鍾厥醕誕生岐嶷言協闕墳懿德震耀孝行通

神動履規繩文彰彪績成是正服以道德民

有父子然後有君臣理財正辭束帛莪莪闕夢刻像

鶴鳴一震天臨保漢實生闕勳明試賦授夷夏已親

嘉錫來撫潛化如神其神伊何靈不傷人

猗歟明哲秉道之樞養闕之福惟德之偶淵乎其長

渙乎成功闕暇民豫新我闕通用行則達以誘我邦

賴茲劉父用說其闕澤零年豐黔首歌頌

澗于長夏承碑

君諱承字仲寬東萊府君之孫太尉掾之仲子右中

郎將弟也累葉牧守印紱典據十有餘人皆德任其

位名豐其爵是故寵祿傳于歷世策薰著于王室君

鍾其美受性淵懿含和履仁治詩尚書兼覽羣藝靡

不尋暢州郡更請屈已匡君為主簿督郵五官掾功

曹上計掾守令冀州從事所在執憲彈純糾枉忠潔

清肅進退以禮允道篤愛先人後已克讓有終察孝

不行大傅胡公歆其德美旌招俯就羔羊在公四府
歸高除溷于長到官正席流恩哀善糾姦示惡旬月
化行風俗改易輶軒六轡飛躍臨津不日則月皓天
不弔殲此良人年五十有六建甯三年六月癸巳淹
疾卒官嗚呼痛哉臣隸辟踊悲動左右百姓號咷若
哀考妣孩孤憤泣怛怛傷摧勒銘金石惟以告哀其
辭曰

於穆皇祖天挺應期佐時理物紹縱光軌積行勤約
燕于孫子君之羣戚並時繁祉明明君德令問不已

高山景行慕前賢列庶同如蘭意願未止中遭冤及
不終其紀夙世實祚早喪懿寶抱器幽潛永歸蒿里
痛矣如之行路感動儻魂有靈垂後不朽

漢西嶽華山廟碑

周禮職方氏河南山鎮曰華謂之西嶽春秋傳曰山
嶽則配天乾也定位山澤通氣雲行雨施既成萬物
易之義也祀典曰日月星辰所昭印也地理山川所
生殖也功加於民祀以報之禮記曰天子祭天地及
山川歲徧焉自三五迭興其奉山川或在天子或在

諸侯是以唐虞疇咨四嶽五歲一巡狩皆以四時之
中月各省其方親至其山柴祭燔燎夏商則未聞所
損益周鑒於二代十有三歲王巡狩殷國亦有事於
方嶽祀以圭璧樂奏六歌高祖初興改秦淫祀太宗
承循各詔有司其山川在諸侯者以時祠之孝武皇
帝修封禪之禮思登假之道巡省五嶽禋祀豐備故
立宮其下宮曰集靈宮壁曰存僊壁門曰望仙門仲
宗之世重使使者持節祀焉歲一禱而三祠後不承
前至于亡新滯用邱虛訖今垣趾營兆猶存建武之

元事舉其中禮從其省但使二千石以歲時往祠其
有風旱禱請祈求靡不報應自是以來百有餘年有
事西巡輒過享祭然其所立碑石刻紀時事文字摩
滅莫能存識延熹四年七月甲子宏農太守安國亭
侯汝南袁逢掌華嶽之主位應古制修廢起頓閱其
若茲深達和民事神之義精通誠至禱祭之福乃案
經傳所載原本所由銘勒斯石垂之于後其辭曰

巖巖西嶽峻極穹蒼奄有河朔遂荒華陽觸石興雲
雨我農桑資糧品物亦相瑤光崇冠二州古曰雖梁

馮于幽岐文武克昌天子展義巡狩省方玉帛之贄
禮與岱九六樂之變舞以致康在漢中葉建設宇堂
山嶽之守是秩是望侯惟安國兼命斯章尊修靈基
肅共壇場明德惟馨神歆其芳遏禳凶札擎斂吉祥
歲其有年民說無彊袁府君肅恭明神易碑飾闕會
遷京兆尹孫府君到欽若嘉業遵而成之延熹八年
四月廿九日甲子就袁府君諱逢字周陽汝南汝陽
人孫府君諱瑒字山陵安平信都人時令朱頡字宣
得甘陵鄆人丞張昉字少游河南京人左尉唐佑字

君惠河南密人主者掾華陰王萇字德長

京兆尹勅監都水掾霸陵杜遷市石遣書佐新豐郭

香察書刻者潁川郡鄆公修蘇張工闕君闕

漢元儒先生婁壽碑

先生諱壽字元考南陽隆人也曾祖父修春秋以大
夫侍講至五官郎中將祖父太常博士徵朱爵司馬
親夫安貧守賤不可營以祿先生童孩多奇岐嶷有
志婉髮傳業好學不厭不修廉隅不節小行溫然而
恭慨然而義善與人交久而能敬榮且弱之耦耕甘

山林之杳藹遁世無悶恬佚淨漠遲衡門下學上
達有朋自遠冕紳莘莘朝夕講習樂以忘憂郡縣禮
請終不回顧高位厚祿固不動心麤絺大布之衣糲
糶蔬菜之食蓬戶茅宇捲樞瓮牖樂天知命權乎其
不可拔也是以守道識真之生音士高尙其事鄉邨州
鄰闕親愛懷年七十有八熹平二年正月甲子不祿
國人乃相與論德處諡刻石作銘其詞曰

皇矣先生懷德惟明優於春秋元嚶有成知賤爲貴
與世無爭渥衡門禮滋醕義窮下不苟知我者天

身歿聲豔千載作珍絲之日月與金石存

漢蕩陰令張君碑

君諱遷字公方陳畱已吾人也君之先出自有周周
宣王中興有張仲以孝友爲行披覽詩雅煥知其祖
高帝龍興有張良善用蕭何在帷幕之內決勝負千
里之外析珪於畱文景之間有張釋之建忠弼之謨
帝遊上林問禽獸所有苑令不對更問嗇夫嗇夫事
對於是進嗇夫爲令令退爲嗇夫釋之議爲不可苑
令有公卿之才嗇夫喋喋小吏非社稷之重上從言

孝武時張騫廣通風俗開闕一畿寓南苞八蠻西羈

六戎北震五狄東勒九夷荒遠既殯各貢所有張良

輔漢世載其德爰既且於君蓋其纏繆繆戎鴻緒牧

守相係不殞高問孝弟於家中饗於朝治京氏易聰

麗權略藝於從畋少為郡吏隱練職位常在股肱數

為從事聲無細聞徵闕一中除穀城長蟄月之務

不閉四門臘正之際休囚歸賀八月英民不煩於卿

隨就虛落存恤高年路無拾遺黎種宿野黃巾初起

燒平闕一市斯縣獨全子賤孔莅闕一道區別尚書

五教君嵩其寬詩云愷悌君隆其恩東里潤色君垂

其仁邵伯分陝君懿于棠晉陽珮璣西門帶弦君之

體素能雙其勛流化闕一基遷蕩陰令吏民頡頏隨

送如雲周公東征西人怨思奚斯讚魯孝父煩段前

喆遺芳有功不書後無述焉於是刊石整表銘勒萬

載三代以來雖遠猶近詩云舊國其命惟新


於穆我君既敦既純雪白之性孝友之仁紀行來本

蘭生有芬克岐有兆綏御有助利器不覲魚不出淵


國之良幹垂愛在民蔽芾棠樹温温恭人乾道不繆

金石錄卷七
唯淑是親既多受祉永享南山干祿無疆子子孫孫
惟中平三年歲在攝提二月震節紀日上旬陽氣厥
析感思舊君故吏韋萌等僉然同聲賃師孫興刊石
立表以示後昆共享天祚億載萬年

此碑予官京師時嘗於景太史伯時處見舊搨
本不及錄近得之友人文徵仲按隸釋云東漢
及魏其碑到今可記者才一二凡歐趙錄中
所無者世不復有予生去宋數百年而此本兩
見歐趙錄中蓋未嘗載隸釋并隸續亦無其文
通志金石略所載碑目雖多然亦未之及乃知
昔人之言未必可信而舊碑之在天壤間者固
不可盡謂之無也



金石古文卷七終



金石古文卷八

成都 楊 慎 升庵 輯

漢堂邑令費鳳碑

惟熹平六年歲裕于大荒無射之月堂邑令費君寢疾卒嗚呼哀哉於是夫人元弟故闕三字守卜允追而

誄之其辭曰

君體履柔温和其如玉修孝友乎閨闕執忠謇於王室立迹州郡仕更右職舉直措枉強禦闕貨貢孝三署勛譽有則出宰近甸民懷厥德色斯輕翔翻然高

潔王人述職分闕班爵台闕二招助鼎調物退已進

第不營榮祿栖遲歷稔項領滯畜鄣土不庭黔民作

闕一命君闕二政化闕行逆善遷惡三期致道有恥

且格文守旌功轉在堂邑垂拱不言而民帥伏三時

之間卒以闕洽旻天不弔命也早歿春秋六十六黎

儀瘁陽泣涕漣灑豈愛哉躬命不可贖臨終迷闕三

內發祖業良田畝直一金推予弟息辭位讓財行義

高邵卓不可及名實相副有始有卒闕二一人善應分

切惻

故吏故鄣施業字世堅義民堂邑戚忠忠年十有一

慈考早隕喪以備於禮制蓬首而闕三壞而消辟地

闕三行母氏以闕四而悼傷服闕菲五五縗杖其未

除廣陵之郡守東海闕二聞寢疾而終卒凡百普悲

闕四舜化北屋之餘慶隨闕棺柩車哀以而逆之祖

載已畢訖還返其故鄉君闕其節操悲其有闕一每

以闕五其老親忠闕二君厚德念君之仁恩聞君之

隕隧剝斷而辛酸復截縗麻杖闕君之柩棺扶號而

竭闕泣涕其闕八甫於岐山闕一其從之迷君而到

官上書而薦君盡禽息之闕三字君之闕三字君闕三字七

字於山闕列種嘉奇樹持為之潤鮮忠業興闕二字猶

君恩使然雖君有大化孰能爾者難子喪之終闕三字

思其顏而闕死可贖不愛闕二字人今君闕於彼卓譎

而超吏民慕高蹤來者其如雨偉名建闕一字石垂示

於闕二字

門下功曹徐侃字元節主簿呂嘉字元闕主史陳信

字聖舉主記史闕忠字建臺門下游徽闕二字字叔騰

門下賊曹闕二字字聖臺門下史曹助字仲臺闕吏呂

常字孝讓從掾位徐超字元貴

漢堂邑令費鳳別碑

君舅家仲孫甘陵石勛字子才載馳載驅來奔于喪

庭肝摧意悲感切傷心瞻彼碑誅懷之好音司馬慕

藺相南容復白圭仰之以彌高鑽之而彌堅不堪哀

且思敘詩之一篇庶幾昔子夏起夫子之所言其辭

曰

君諱鳳字伯蕭梁相之元子九江太守之長兄也世

德襲爵銀艾相亞恢遐祖之鴻軌拓前代之休蹤邈

逸越而難繼非羣愚之所頌仁義本於心慈孝著於性言不失典術行不越矩度清潔皦爾渥而不澤恤憂矜厄施而不記由近及遠靡不覆載故能闡令名而雲騰揚盛聲而風布踐郡右職三貢獻計辟州式部忠以衛土漢安二年吳郡太守東海郭君以君有透虵之節自公之操年卅一舉孝廉拜郎中除陳國新平長神化風靡惠以流下靜而為治匪煩匪擾乾乾日稷矜此黔首功成事就色斯高舉宰司委職位思賢以自輔元懿守謙虛白駒以闕一隰丹陽有越

寇沒闕四命君討理之試守故鄣長蓋危亂有不讓

又畏此之闕二而闕牧爰止其帥旅鷗若飛鷹鷄闕一

字若夫虓虎疆者緩以德弱者以仁撫簡在上帝心

功訓而特紀輶輿宰堂邑基月而致道祝闕四遂據

于卿尹中表之恩情兄弟與甥舅焉與女蘿性樂松

之茂好聞君顯令名舉宗為歡喜不悟奄忽終藏形

而匿景耕夫釋耒耜桑婦投鉤莒道阻而且長望遠

淚如雨策馬循大路褰裳而涉洧闕二歌闕一離思

黃鳥集於楚惴惴之臨穴送君於厚上嗟嗟悲且傷

每食闕悲不絕夫人篤舊好不以存亡改文平感渭陽悽愴益以甚諸姑咸辟踊爰及君伯姊孝孫字元宰生不識考妣追惟厥祖恩蓬首斬緘杖追世所不能為流稱於鄉黨見吾若君存剝裂而不已一別會無期相去三千里絕翰永忼慨泣下不可止

漢溧陽長潘乾校官碑

蓋漢三百入十有七載闕三字銘工著斯金石

界誄曰

溧陽長潘君諱乾字元卓陳國長平人蓋楚太傅潘

崇之末緒也君稟資南闕一字之闕四字德之節操髣髴

闕一字敏闕一字學典謨祖講詩易剖演奧藝外覽百家

眾闕一字契聖抱不測之謀秉高世之介屈私趨公即

仕佐上郡位既重孔武尅著疾惡義形從風征暴執

訊獲首除曲阿尉禽姦禽弋猾寇息善歡履孤竹之廉禽

蹈公儀之絜察廉除茲初厲清肅賦仁義之風闕三字

之跡垂化放乎岐周流愛雙乎闕一字親賢寶智進直

退慝布政優優令儀令色獄無嗟吁之寃野無叩匈

之結矜孤頤老表孝貞節重儀輕利制戶六百省無

正繇不責自舉百姓心歡官不失實於是遠人聆聲
景附樂受一塵既來安之闕一役三年惟泮宮之教

反闕一字 俗之禮構修學宮宗懿招德既安以雷干侯

用張籩豆用陳發彼有的雅容闕一字 閑鍾磬縣矣于

胥樂焉乃作敘曰

翼翼聖慈惠我黎蒸貽我潘君平茲溧陽彬文赳武

扶弱抑疆闕一字 刈彘雄流惡顯忠咨疑元老師賢作

朋修學童冠琢質繡章實天生德有漢將興尙且在

昔我君存今闕一字 此龜艾遂尹三梁永世支百民人

所彰子子孫孫昇爾熾昌

丞沛國銓趙勳字范伯左尉河內汲童並字公房右

尉豫章南昌程陽字孝遂時將作吏名戶曹楊淮

議曹掾李就議曹掾桓檜戶曹史賀闕一字 從掾位侯

祖主記史吳超門下吏吳訓門下吏吳翔門下吏時

球

光和四年十月己丑朔廿一日己酉造

漢校官碑宋紹興十一年溧水尉喻仲遠得於

固城湖濱置之官舍今在孔廟之大門右長樂

金石古文卷八
陳長方雖嘗碑其所得本

末釋文則未之見碑以靈

帝光和四年歲在辛酉造距今凡一千一百五
十三年番陽洪景伯先生出字爲之釋謂挈犖
爲黎昇爲俛楸爲野賚爲責剗去其刀賢去其
貝于侯與豨侯通尙且爲太公周公可謂精審
有據其餘不可辨者尙有二十七字今觀首行
自三百字以下上下斯字凡十有六字比之洪
氏作釋文時又皆不可攷且如第二行之字之

下是禱字禱下闕一字有天字敏之上是克字
衆之下是僑字退之下是懸字役之上爲復反
之下爲失此之上爲卽皆隱隱可見洪則悉以
爲闕又如旣安且甯則以爲呂甯梅檜則以爲
桓檜豈當時誤於墨本而然耶溧陽志志謂元
卓爲元貞是又以名乾而傳會也禧承乏於茲
暇日與士友曹國傑摩挲久之得其二三因以
洪先生釋文列於上僭附所見於其下勒諸樂
石以補前修之所未及者餘尙俟博雅君子云

至順四年龍在癸酉夏五月文學掾濟陰單禧

謹識

漢郎中鄭固碑

君諱固字伯堅著君元子也含中和之淑質履上仁

闕三字 孝友著乎閭門至行立乎鄉黨初受業於歐陽

遂窮究于典籍膺游夏之文學襄冉季之政事弱冠

仕郡吏諸曹掾史主簿督郵五官掾功曹入則腹心

出則爪牙忠以衛上清以自修犯顏謬造脈詭辭

加以好成方類推賢達善遼遁退讓當世以此服之

邦后珍瑋以為儲舉先屈計掾奉我 闕 貢清眇冠乎

羣彥德能簡乎聖心延熹元年二月十九日詔拜郎

中非其好也以疾固辭未滿期限從其本規乃邁凶

愍年四十二其四月廿四日遭命隕身痛如之何先

是君大男孟子有楊鳥之才善性形於岐嶷 闕二 見

於垂髫年七歲而天大君夫人所共哀也故建 闕 共

墳配食斯壇以慰考妣之心琦瑤廷以為至德不紀

則鍾鼎奚銘昔姬 闕一 武弟述其兄綜 闕四 行於蔑

陋獨曷敢忘乃刊石以旌遺芳其辭曰

於惟郎中實天生德頤親誨弟虔恭竭力教我義方
導我禮則傳宣孔業作世模式從政事上忠以自勗
貢計王庭華夏歸服帝用嘉之顯拜殊特將從雅意
色斯自得乃遭氛災隕命顛沛家失所怙國闕忠直
俯哭誰訴仰號焉告嗟嗟孟子苗而弗毓奉我元兄
修孝罔極魂而有靈亦歆斯勒

漢廬江太守范府君碑

君諱式字闕入功存有夏實曰御龍闕昨商周世昭

其隆晉主夏盟有士會者光演宏謨翼崇霸業錫邑

命族闕范氏則其後爲也君稟靈醕之茂度體元亮

之殊高徽柔懿恭明允篤恕九德靡爽百行淵備宏

道耽藝恢韜墳籍探頤研機罔深不入若乃立德隆

禮樹節寶真志諒足以弼國篤友足以輔仁用能昭

其洪懿聲克宇甸接華彥於汝墳潤枯斃於荆漢超

管鮑之遐蹤信靈譚乎炳煥是以闕化泉流芳闕鴻

舊耀仁闡於權與濟俗侔乎皇訓郡公偉焉弓旌盈

路再讓考闕二三府舉高第侍御史拜冀州刺史糾

剔瑕慝六教允施翰飛肅於鷹揚典刑闕二軌闕帝

關 其勳遷廬江太守擬泰和以陶化昭八則以隆治

彌關宏略惠訓亡倦關二協關三齊關二清源之深

閱寶疏氏之至順以疾告辭韜光潛耀詠琴詩以雷

字關九其猶充治外內寶紹德之奠藪而儀民之淵表

也未亮三事關三終關六常山相暨子汜孫而允嗣

罔極粵青龍三年正月丙戌縣長汝南薛關七感靈

埠之不饗思隆懿模以紹奕世乃興縣之碩儒吞典

謨之中關同宗關二之胄昭告祖考俛守厥祀本支

著宣融之祚人神協休茂之慶焉禮也於是卿關三

上計掾翟循州部泰山從事史翟邵等僉以為郡雖

輝名載籍光颺前列而靈墳亡關儀間靡述遂相與

略依舊傳昭撰景行刊銘樹墓以聲百世其辭曰

於昭上德寶唐之充誕表靈和蹈規履信窮神周覽

祇道之訓邁德徽猶鴻漸關舊歲彼夸毗寶此醞懿

以文會友以仁翼關敷化濟殖羣生以遂永言孝思

民之攸暨如何昊天不信其軌明德不報允 亡紀

爰輯訓典詢璽髦士育 XXXXXXXXXX 以永遐祉詒厥孫謀

耀于萬祀

金石古文卷八終

金石古文卷九

成都 楊 慎 升庵 輯

光武濟陽宮碑

蔡伯喈

王室中微哀平短祚姦臣王莽偷有神器有十八年
罪盈惡熟天人致誅帝乃龍見白水淵躍昆澁破前
隊之衆殄二公之師收兵略地經營河朔於是羣公
諸將據河洛之文協符瑞之徵僉曰歷數在帝踐祚
允宜乃以建武元年六月卽位于鄗縣之陽五成之
陌祀漢配天罔失舊物享國三十有三年方內人安

蠻夷率服巡狩太山禪梁父皇代之遐迹帝者之上
儀罔不畢舉道德餘慶延于無窮先民有言曰樂樂
其所自生而禮不忘其本是以虞稱媯汭姬美周原
皇天乃眷神宮實始于此厥路藐哉所謂神麗顯融
越不可尙小臣河尹瑋來在濟陽願見神宮追惟桑
梓衰述之義用敢作頌其辭

赫赫炎天爰曜其暉篤生聖皇二漢之微稽度虔則
誕育靈姿黃髮作慝纂握天機帝赫斯怒爰整其師
應期潛見扶陽而飛禍亂克定羣凶殄夷匡復帝載
萬國以綏巡于四岳展義省方登封降禪升于中皇
爰茲初基天命孔彰子子孫孫保之無疆

汝南周巨勝碑文

君諱總字巨勝陳畱太守之孫光祿勳之子也君應
白乾之消靈繼命世之期運元懿清廟貞厲粹體
仁足以長人嘉德足以合禮總六經之要括河洛之
機援天心以立均贊幽明以揆時沈靜微密淪於無
內寬裕宏博舍乎無外之纖罔不總也是以實繁於
華德盈乎譽初以父任拜郎中疾去官察孝廉是時

郡守梁氏外戚貴寵非其好也遂以病辭太守復察
孝廉乃俯而就之以明可否然猶私存衡門之
樂不屑已也又委之而旋故大將軍梁冀專國作威
海內從風世之雄材優逸之徒莫不委質從命而顛
覆者蓋以多矣聞君洪名前後三辟而卒不降身由
是縉紳歸高辟公事德大尉司徒再辟三辟察賢良
方正舉才襄賁令皆病不就擾攘之際災眚仍發聖
上詢諮師錫策公車持微君仰觀天象俯效人事世
路多險進非其時乃託疾杜門靜居里巷無人跡外

庭生蓬蒿如此者十餘年強禦不能奪其守王爵不
能滑其慮至延熹二年乃更闢門延賓享晏醕樂及
秋而梁氏誅滅十二月君卒然則識機知命可觀於
斯矣洋洋乎若德雖崇山千仞重淵百尺未足以喻
其高究其深也夫三精垂耀處者有表爰在上世作
者七人焉有該百行備九德齊光日月洞靈神明如
君之至者與亶所謂天民之秀也享年五十不登期
考遐邇歎悼痛心失圖乃相與建碑勒銘以徵休美
其辭曰

厥初生民天賜之性有龐有醕有否有聖伊茲周君
允丁其政誕茲明德自始哲今奧乎其文如星之布
確乎不拔如山之固追綜先緒應期作度潛心大猷
譚思德謨遁世無悶屢辭王寮洋洋必邱于以逍遙
蔑爾童蒙是訓是教瞻彼榮寵譬諸雲霄優哉游哉
侔此宏高名華夏光耀昆苗清風丕揚德音孔昭

京兆尹樊陵碑文

蔡伯喈

於顯哲尹誕德孔彰膺帝休命謂篤不忘爰納忠式
規悟聖皇欽崇園邑大孝允光九命車服昭示采章

軒軺四牲承祀蒸嘗多士時貢繇役永息進路孔夷
民清險棘同體諸舊兆萌蒙福惠垂無疆守以罔極
童子逢盛碑

童子諱盛字伯彌薄令之元孫遂成君之曾孫安平
君之孫五官掾之長子也胎懷正氣生克自然俯育
孩嬰弱而能言至於垂髫智惠聰哲過庭受試退誦
詩禮心開意審聞一知十書畫規矩制中園椽日就
月將學有緝熙才亞后橐當爲師楷自天生授罔不
在初謂當叩遂令儀令色整齊珪角立朝進仕究竟

人爵克啟厥後以彰明德允嗣昭達何宥季世顯天
不惠伯疆涇行降此大戾年十有二歲在協給五月
乙巳噫喻不反尤隕精晁苗而不秀命有修短無可
奈何慈父悼傷割哀回鯉其十二月丁酉而安措諸
永潛黃墟沒而不存於是門生東武孫理下密王升
等感慼三成一列同義故共刊石敘述才美以銘不
朽其辭曰

嘉慈伯彌天授其姿在克岐嶷聰叡敏達當遂邁池
立號建基時非三代符命無恒人生在世壽無金石
身潛名彰顯於後葉

巴郡太守樊敏碑

君諱敏字升達肇祖宓戲遺苗后稷爲堯種樹舍潛
于岐天頤亶甫乃萌昌發周室衰微霸伯匡弼簪爲
韓魏魯分爲揚充曜封邑麻土河東楚漢之際或居
于楸或集于梁君繼其緒華南西亶濱近聖禹飲汝
茹汭總角好學治春秋嚴氏經貫究道度無文不睹
於是國君備禮招請濯晁題罍傑立忠誓有夷史之
直卓密之風鄉黨見歸察孝除郎永昌長史遷宕渠

令布化三載遭離母憂五五斷仁大將軍辟光和中京師擢穰碓狐綏綏冠履同囊投核長驅畢志枕邱國復重察辭病不就再奉朝聘十辟外臺常爲治中諸部從事舉直錯枉譚思舊制彈鬻糾貪務鉏民穢患若政俗喜怒佗律案罪殺人不顧倡儻告子屬孫散若此者不入墓門州里僉然號曰吏師季世不祥米巫卵瘡續蠹青羌姦狡並起陷附者衆君執一心賴無滂恥復辟司徒道隔不往牧伯劉公二世欽重表授巴郡後漢中秋老乞身以助義都尉養疾閭

里又行哀義校尉君仕不爲人祿不爲己首桓桓大度體蹈箕首當窮台緹松僑協軌八十有四歲在汁洽紀驗期臻奄胥臧形凡百咸痛士女涕洽臣子哀術刊石勒銘其辭曰

於戲與考經德炳明勞謙損益耽古儉清立朝正色能無撓頤威恩御下持滿億盈所慙見慕遺歌景形書載俊乂股肱幹楨有物有則模楷後生宜參鼎鉉稽建皇靈王路阪險鬼方不庭恆戢節足輕寵賤榮故闕大選而損陪臣晏嬰邱殿畱侯距齊非辭福也

乃辟禍兮

辭曰演元垂

關

岳瀆

關二

字今金精大佐實生賢兮

關

欲救民德彌大兮遭遇陽九百六會兮當

關

遐年今

遂逝兮嗚呼哀哉魂神

關

兮

建安十年三月上旬造石王劉盛息懌書

金鄉長侯成碑

君諱成字伯盛山陽防東人也其先出自爾岐周文
之後封于鄭鄭共仲賜氏曰侯厥允宣多以功佐國
要盟齊魯嘉會自邠因以爲家焉漢之興也侯公納

英濟太上皇於鴻溝之阨諡曰安國君曾孫酺封明
統侯光武中興元孫霸爲臨淮太守擁兵從光武平
定天下轉拜執法右刺姦五威司命大司徒公封於
陵侯枝葉繁茂或家河洧或邑山濟君則上黨太守
之弟幼履慈孝之德長執忠審之操治春秋經博綜
書傳以典籍教授滋滋履真安貧樂道忽於時榮敬
上接下溫故知新翹節建志冠於羣倫孝友內著仁
義外宣郡請署主簿督郵五官掾功曹守金鄉長郎
家假印綬君介心如石不易其志刺史嘉其高名辟


部東平泰山治中從事君獻精謙虛委蛇衡門以禮
盤桓名德可尊行顯身隱縣輿養神聖人制命曰仁
常存今胡不然喪此國偉君年八十一建甯二年歲
在己酉四月二日癸酉遭疾而卒嗚呼哀哉於是遐
邇士仁祁祁來庭集會如雲號哭發哀泣沈蘭將
去白日歸彼无陰同盟必至縞素填街存有顯名終
有遺勲魂如有靈嘉斯寵榮於是儒林衆儁惟想邢
景乃樹立銘石以揚淑美其辭曰

於穆君德姿履正平乾皇所挺應符如生耽藝樂術
恬忽世榮虛位禮請介然不傾壽非南山不俟河清
梁木圯頽鴻儀催零昆嗣切剝哀慟感情乃銘乃勒

億載永甯

夫人以延熹七年歲在甲辰十一月三日庚午遭疾
終

金石古文卷九終



金石古文卷十

成都 楊 慎 升庵 輯

武都太守李翕西狹頌

漢武都太守漢陽阿陽李君諱翕字伯都天姿明敏
敦詩悅禮膺祿美厚繼世郎吏幼而宿衛弱冠典城
有阿鄭之化是以三苛符守銳黃龍嘉禾木連甘露
之瑞動順經古先之以博愛陳之以德義示之以好
惡不肅而成不嚴而治朝中惟靜威儀抑抑督郵部
職不出府門政約令行強不暴寡知不訐愚屬縣趨

教無對會之事徼外來庭面縛二十餘人年穀屢登
倉庫惟億百姓有蓄粟麥五錢郡西狹中道危難阻
峻緣崖俛閣兩山壁立隆崇造雲下有不測之谿阨
芒促迫財容車騎進不能濟息不得駐數有顛覆實
隊之閻過者創楚惴惴其慄君踐其險若涉淵冰嘆
曰詩所謂如集於木如臨于谷斯其殆哉困其事則
爲設備今不圖之爲患無已勅衡官有秩李瑾掾仇
審因常繇道徒鑿燒破析刻石確鬼滅高就塿平夷
正曲桺拔土石堅固廣大可以夜涉四方無雜行人

懼怖民歌德惠穆如清風乃刊斯石曰赫赫明后柔
嘉惟則克長君牧守三國三國清平詠歌懿德瑞降
豐稔民以慎植威恩並隆遠人賓服鑿山浚濱路以
安直繼禹之迹亦世賴福

成陽令唐扶頌

君諱扶字正南潁川鄆人也其先出白慶都感赤龍
生堯王有天下大號爲唐治致雍熹尊天重民禪位
虞闕光受茅土通天三統苗胄枝分相土脈居因氏
唐焉累取舍祚受天之怙允嗣彌光爲漢合輔君父

孝廉郎中早卒季父蜀郡蜀郡從弟會稽會稽從弟南陽君從兄東萊太守南陽弟司空公在朝透隨正色竭忠爲國討暴六侯俱封受土襲爵金縉十三君繼厥緒少有岐嶷耽道好古孰書咏詩綜緯河雒底究羣典菱紐上進守舞陽丞弱冠守昆陽尉潁陽令隱練州郡所臨有迹帝嘉其德特拜郎中察能治劇除豫章鄆陽長吏粵拮据強難化君奮威颺武視以好惡蠻貉振疊稽顙服闕上前逋千有餘萬盜賊衰息境界晏然三載有成州郡誦表遷成陽令承

先聖之宏軌見讚像之高蹤遂興無爲之治優賢颺歷表善紕惡遵九德以綏民崇晏晏之惠康風移俗易莫不革心朝有公卓家有叅騫分邾之治優隆於君追惟堯德廣被之恩依陵毫廟造立授堂四遠童冠樞衣受業著錄千人朝益莫習衍衍閭閻尼父授魯曷以復加靈祇瑞應本連理生白菟紫鳩遊君園庭蕩蕩之治莫能名焉三司察功朝廷審眞以君威恩並流文武兼興東萊海濱須君以甯詔書換君昌陽令吏民慕戀士女惟艱捺君車輪不得行君

臣流涕道路琅玕迫有詔命靡由復還於是故從事
仲宇仲授張躬萬龍督郵仲規郡掾閻葵

關

仲瑄處

士王

關

董頴閻葵斑等乃共刊石樹頌歌君之美其

辭曰

赫赫唐君帝堯之苗氏族不一各任所安本同末異
蓋謂斯焉君體煥炳有芬有馨如山如焮嵩如不傾
如關如海澹如不盈帷直如矢秉銓據衡在朝肅肅
闈門雍雍廉踰伯叔絜如珪璋賦政于外爰及鬼方
淮夷來降寇賊遂亡黎庶攸甯黔首歡康以德綏撫

宣恩六陽以仁恤弱以義抑強恩由春夏威如秋霜
賞罰分守審白黑著明憂者閔稚不悔寡矜耽樂道
述咀嚙七經五六六七訓導若神接下施與投財如
損吏服其德民歸其恩父父子子君君臣臣不師自
舉不拘不煩囹圄空虛國無民德及草虫澤流無根
娟飛蠕動咸賴我君顯顯令稱德音常存

魏大饗碑

惟延康元年八月旬有八日辛未魏王龍興踐祚規
恢鴻業構亮皇基萬邦統世忿吳夷之凶暴滅蜀虜

之僭逆于赫斯怒順天致罰奮虓虎之校簡猛銳之卒爰整六軍率匈奴暨單于烏桓鮮卑引弓之類持戰百萬控弦千隊元甲曜野華旗蔽日天動雷震星流電發戎備素辨役不更籍農夫安疇商不變肆是以上有拊諫之驩民懷惠康之德皇恩所漸無遠不至武師所加無強不服故寬令西飛則蜀將東馳六旆南徂則吳黨委質二虜震驚魚爛階潰將汜自三江之流方軌邛來之阪斬吳夷以染鉞血蜀虜以豐鼓曜天威於遐裔復九圻之疆寓除生民之災孽去

聖皇之宿憤次于舊邑觀釁而動築壇壝之官置表著之位大饗六軍爰及譙縣父老男女臨饗之日陳兵清涂慶雲垂覆乃備俾禦整法駕設天官之列衛乘金華之鸞路建升龍於大常張天狼之威弧千葉風舉萬騎龍驤威靈之飾震曜康衢既登高壇蔭九增之華蓋處流蘇之幄坐陳旅酬之高會行無算之酣飲于酒波流肴烝陵積誓師設縣金奏讚樂六變既畢乃陳祕戲巴俞丸劍奇舞麗倒衝夾踰鋒上南踰高飴鼎緣幢舞輪擿鏡騁狗逐兔戲馬立騎之妙

披白虎青鹿辟非辟邪魚龍靈龜國鎮之怪獸環變
屈出異巧神化自卿校將守以下下及陪臺隸圍莫
不歆淫宴喜咸懷醉飽雖夏啟均臺之享周成岐陽
之獲高祖邑中之會光武舊里之宴何以尙茲是以
刊石立銘光示來葉其辭曰
赫王師征南裔舊靈威震天外吳夷誓蜀虜竄區夏
清八荒艾幸舊邦設高會皇德洽洪恩邁刊金石光
萬世

魏散騎常侍步兵校尉東平太守碑

嵇叔夜

先生諱籍字嗣宗陳留尉氏人也厥遠祖陶化於上
世而先生宏謨於後代詩所載阮國則是族之本也
先生承命世之美希達節之度得意忘言尋妙於萬
物之始窮理盡性研幾於幽明之極和光同略羣生
莫能屬也確不可拔當塗莫能貴也或出或處與時
升降或默或語與世推移望其形者猶登嶽涉海蕩
然無以究其高測其深覽其神者猶旁璞親珪肅然
無不欽其寶而偉其奇也不屑夷齊之潔故其清不

可尙也不履思連之汗故其道不可屈也蘧瑗昇降
於卷舒甯武去就於 盼一子不亦泰如危宗廟之
犧安不 孤犢之逼而有塗中之廣觀屈穀鳴鴈是
以處下 之間察巨瓠緯帶是以遊有用之際夸大
辨而御之以訥資大白而澆之以厚一作辱爲無爲而
名不能累也事無事而世不能役也訪垂天之翼於
寂寞之域投芒刀之穎於有解之會固恢恢必餘地
豈若接輿被張以養生於陵觀園以求實齷齪近步
修一作循軌轍而已哉尼父議老成於遊龍衛賜警重

切於日月揆之先生其殆庶幾乎方將攀逸駕於洪
涯懇遐軌於巢州跨宇宙以高挹陵雲霄以優游享
年如千邁病而卒於是遠鑒之士有識之徒先生之
沒夫豈不慨然臨豪傑而存惠之間運斧斲而思郢
人之力乃探頤索隱以敘雅操使將來君子知壯生
之跡略舉其志埤之曰峩峩先生天挺無欲元虛恬
淡混蘊榮辱盪滌穢累婆娑山足胎胞造化韜蘊光
燭鼓棹滄浪彈冠嶠岳頤神太素簡邁世局澄之不
濇溷之不濁翱翔區外遺物庶俗隱處巨室反眞歸

河南則緣山東過大伾回流北岸其勢鬱懷濤怒湍
急激疾一有決溢彌原淹野蟻孔之變害起不測蓋
自姬氏之所常蹙昔崇鮐所不能治我二宗之所劬
勞於是乃跋涉躬親經之營之率百姓議之于臣伐
石三谷水匠致治立激岸側以捍鴻波隨時慶賜說
以勸之川無滯越水土通演役未踰年而功程有畢
斯乃元勳之嘉課上德之弧表也昔禹脩九道書錄
其功后稷躬稼詩列于雅夫不憚勞之勤夙興厥
職充國惠民亦得湮沒而不章焉故遂刊石記功垂

示於後其辭云云使河堤謁者山陽東昏司馬登字
伯志伐東萊典城王誨字孟堅河內太守守城向豹
字伯尹丞汝南鄧方字德山懷令劉丞字季意河堤
掾匠等造陳畱浚儀邊韶字孝先頌

魏野王令司馬李脩沁水碑

臣孚言臣被明詔興河內水利臣既到檢行沁水源
出銅堤山屈曲周迴水道九百自大行以西王屋以
東層巖峻天時霖雨衆谷走水小石漂送木門朽敗
稻田汎灑歲功不成臣輒按行去堰五里以外方石

可得數萬餘枚臣以爲方石爲門若天赦旱增堰進水若天霖雨陂澤充溢則閉方斷水空渠衍滂足以成河雲雨由人經國之謀暫勞永逸聖王所許願陛下特出臣表勅大司農府給人工勿使稽延以贊時要臣孚言詔書聽許

魏建城鄉侯劉靖碑

魏使持節都督河北道諸軍事征北將軍建城鄉侯沛國劉靖宇文恭登梁山以觀源流相際以度形勢嘉武安之通渠美秦民之殷富乃使帳下督丁鴻軍

士千人以嘉平二年立遏於水道高粱河造辰陵遏開車箱渠其遏表云高粱河水者出自井州黃河之別源時長岸峻固直截中流積石籠以爲主遏高一丈東西長三十丈南北廣七十餘步依北岸立水門門廣四丈立水十丈山川暴戾則乘遏東下平流守常則自門北入灌田歲二千頃凡所封地百餘萬畝至景元三年辛酉詔書以民食轉廣陸發不贍遣謁者樊晨更制水門限田千頃刻地四千三百一十六頃出給郡縣改定田五千九百三十頃水流乘車箱

渠自剗西北逕昌平東盡漁陽潞縣凡所潤舍四五
百里所灌田萬有餘頃高下孔濟原隰底平疏之斯
漑決之斯散導渠口以爲溝門灑滌池以爲甘澤施
加於當時敷被于後世晉元康四年君少子驍騎將
軍平鄉侯宏受命使持節監幽州諸軍事領護烏丸
校尉甯朔將軍邊立積三十六載至五年夏六月洪
水暴出毀損四分之三乘北岸七十餘丈上渠車箱
所在漫溢追惟前立遏之勲親臨山川指授規略命
司馬關內侯逢暉內外將士二千人起長岸立石渠

脩立遏治水門門廣四丈立水五丈興復載利通塞
之宜准遵舊制凡用功四萬有餘焉諸部王侯不召
而自至緇負而事者蓋數千人詩載經始勿亟易稱
民忘其勞斯之謂乎於是三府文武之士感秦國思
鄭業之續魏人置豹祀之義乃遐慕仁政追述成功
元康五年十月十一日刊石立表以紀勳烈并記遏
制度永爲後式焉

晉千金渠石人東脇下文

太始七年六月二十三日大水并瀑出常流上三丈

金石古文集十一
蕩壤二場五龍泄水南注瀉下加歲久激齧每勞卽
壞厯載消弃大功今故爲令遏更於西開泄名曰伐
龍渠地形正平誠得爲泄至理千金不與水勢激爭
無緣當壞由其卑下水得輪上激齧故也今曾高干
金於舊一丈四尺五龍自然必厯世無患若五龍歲
久復壞可轉於西更開二場二渠合用二十三萬五
千六百九十八功以其年十月二十三日起作功重
小人到八年四月二十日畢
西脇下亦有刻文不錄

後漢鴻臚陳君碑文

邯鄲子禮

君諱紀字元方太丘君之元子也始祖有虞受禪陶
唐亦以命禹其後媯滿當周武王時祚土于陳君其
世也君生應乾坤之純質受嵩岳之粹精內包九德
外兼百行淵深淪於不測瞻智應於無方宏裕足以
容衆矜嚴足以正世然後研幾道奧涉覽文學凡前
言往行竹帛所載靡不坐該其善也疊疊焉其誘人
也是以令聞廣譽塞于天淵儀形嘉誨範乎人倫存
乎本傳故略舉其著於人事者焉顯考以茂行崇冠

金石錄卷十一
先傳季弟亦以英才知名當世孝靈之初並遭黨錮
俱處于家號曰三君故得奉常供養以循子道親執
饋食朝夕竭歡及太邱君疾病終亡喪過乎哀崩傷
嘔血如此者數焉服禮既除戚容彌甚聞名心瞿言
及隕涕雖大舜之終慕曾參之自盡無以踰也豫州
刺史嘉懿至德命勅百城圖畫形像于今遺稱越在
民口既處隱約潛躬味道足不踰闕乃覃思著書三
十餘萬言言不務華事不虛設其所交釋合贊規聖
哲而後建旨明歸焉今所謂陳子者也初平之二元禁

罔蠲除四府並辟弓旌交至雖崇其禮命莫敢屈用
大將軍何進表選明儒君爲舉首公車特徵起家拜
五官中郎將到遷侍中旬有八日出相平原會孝靈
晏駕賊臣秉政肆其兇虐剝亂宇內州郡幅裂戎輿
並戒君冒犯鋒矢勤恤民隱馴之以禮教示之以知
恥視事末期士女向方會刺史敗於黃巾幽冀二州
爭利其士君料敵知難不忍其民爲已致死乃辭而
去之於是若弱隨慕拔轅持轂輪不得轉遂晨夜間
行寓於邠郊之野哀術恣睢僭號江淮圖覆
社稷結婚呂布斯事成重必不測救君諗布不從遂與成婚送

女在塗君為國深憂乃奮策出奇以奪其心卒絕好
追女而還離逃姦謀使不得成國用又安君之力也
唯帝念功命作尚書令會車駕幸許拜大鴻臚實掌
九儀四門穆穆遂登補袞闕以熙帝載不幸寢疾年
七十有一建安四年六月卒惜乎懷道處否登庸日
寡實使大業不究元勳靡建茲海內所為嗟悼凡百
所以失望也天子愍焉使者弔祭郡卿以下臨喪會
葬有子曰羣追惟蓼莪罔極之恩乃與邦彥碩老吞所
以計功稱伐銘贊之義遂樹斯石用監于後其辭曰

於穆上德時惟我君固天縱之天鍾厥純命世作則
實紹斯文遭險龍潛抗志浮雲所貴在已樂存事親
雖處畎畝天子屢聞乃階郎將陪帝作鄰平原寇深
遂辭其民思齊古公邠土是因不忘諭國惠我無垠
復命喉舌秉國之均爰登卿士媚茲一人如何穹蒼
不授遐年鈔厥在位每懷不申股肱或虧朝誰與詢
熒熒小子號泣于旻勒銘表德久而彌新

金石古文卷十一終

金石古文卷十一

成都楊慎升庵輯

漢樊毅脩西嶽廟記

山經曰泰華之山削成四方其高五千仞廣里周禮

職方氏華謂之西嶽祭視三公者以其能興雲雨產

萬物通精氣有益於人則祀之故帝舜受堯歷數親

自巡省設五鼎之奠柴燎煙致敬神祇又用昭明百

穀繁殖黎民時雍鳥獸率舞鳳凰來儀暨夏殷周末

之有改也其德休明則有禎祥荒淫臊穢篤災必降

秦違其典璧遺鄙池二世以亡高祖應運禮遵陶唐
祭則獲福罔世克昌忘新滔逆鬼神不享建武之初
彗埽頑凶更率舊章敢用罔牲牲牲必充天惟醑祐
萬國以康光和二年有漢元舅五侯之胄謝陽之孫
曰樊府君諱毅字仲德承考讓國家于河南究職州
郡辟公府除防東長中都令誅强虣撫瘠民二鄙以
清命守斯邦威隆秋霜恩踰冬日景化旣宣由復夕
惕惟窺祿之報順民之則孟冬十月齊祀西嶽以傳
窄狹不足處尊廟舍舊久墻屋傾亞世室不脩春

秋作譏特部行事荀班與縣令先黨以漸補治設中
外館圖珍奇畫怪獸嶽瀆之精所出禎秀役不干時
而功已著慙勞久逸神永有憑自古太山邱邑猶存
五嶽尊同哀此勤民獨不賴福乃上復十里內工商
農賦克厭帝心嘉瑞仍畬風雨應起澱潤品物君舉
必書况乃盛德惠及神人可無述焉於是功曹郭敏
主簿魏襲戶曹史許禮等遂刊罔石銘勒鴻勛垂曜
靈軫存有昭識其辭曰二儀剖判清濁始分陽凝成
山陰積爲川泰氣推否洪波汎臻堯命伯禹決江開

汝川靈既定恩覆兆民乃刊祀典辨于羣神因瀆祭地嶽以配天世主遵循永享歷年赤銳煌煌受茲介福京夏密清殊俗賓服令問不違可謂至德德音孔昭實惟我后出自中興大漢之舅本枝惟百延慶長久俾守西嶽達奉神祀改傳飾廟靈則有攸齊降瑞畚祚景風凱悌惟風及雨成我稷黍稽民用章建父空宇刊銘記誦克配梁甫

西嶽華山亭碑

衛凱

惟光初元年歲在戊子名曰咸池季冬己巳宏農太

守河南樊府君諱毅字仲德下車之初恭肅神祀西嶽至尊詔書奉記躬親自往省從勞謙卽事有漸散齊華亭齊堂逼窄郡縣官屬清齊無處尊卑錯綜精誠不固畏天之威逢斯瘳怒時雨不與甘澍不布念存黔首懼闕曠素於是與令巴郡胸忍先讜公謀圖議繕故斷度榑廊立室異處左右趣之莫不競慕二年正月己卯興就旣成有元休嘉啟寤各得竭情福祿是顧刻茲碑號吏卒俠路其辭曰

巖巖西嶽五鎮次宗緒德之尊太華優隆皇帝永思

祀典孔明高神肯宴圭璧贄通赫赫在上以畜萬邦
惟嶽降神實生羣公卿士百辟纘業攸蒙帝命不違
歲事報功羣后命卿散齋外亭敬恭明祀以奉皇靈
處所逼窄屑窳有聲神樂其靜翛翬無形尊卑有序
潔心致誠因繕舊室整頓端平在其板屋孰不加精
天人同道萬祚來迎既受帝祉延予後生為龍為光
父人王庭為公為侯福祿來成刻石記號永享利貞

西嶽華山堂闕碑銘

易曰天地定位山澤通氣然山莫尊於嶽澤莫盛於

瀆山嶽有五而華處其一瀆有四而河在其數其靈
也至矣聖人廢興必有其應故岱山石立中宗繼統
太華授璧秦胡絕緒白魚入舟姬武建業寶珪出水
子朝喪位布五方則處其西列三條則居其中若廣
袤奇蟲山經有紀矣是以帝王巡狩親五嶽而告至
覲方后而考禮故經有望秩之禋典有生殖之祀蓋
所以崇山川而報功也四海一統天子秉其禮諸侯
力政疆國攝其祭奉其邑曰華陰也久矣乃紀於禹
貢而分秦晉之境奉鄙晉之西則曰陰晉邊秦之東

則曰甯秦邑既遷徙禮亦如之二國力爭以奉以祭
其城險固基趾猶存故老之言未殞於民也逮至大
漢受命克亂不愆不忘舊名是復率禮不越故祀是
尊厯葉增脩虔恭又備一禱三祀終歲而四以迄于
今而世宗又經集靈之宮於其下想喬松之壽是遊
是憇郡國方士自遠而至者充巖塞崖卿邑巫覡宗
祀乎其中者盈谷溢谿咸有浮飄之志愉悅之色必
雲霄之路可升而越果繁昌之福可降而致也故殖
財之寶黃玉自出令德之珍卿相是毓匪惟嵩高降

申甫此亦有焉天有所興必先廢之故殷宗周宜以
衰致盛是時也王業中缺大化陵遲郡縣既毀財賈
禮乏庭廟傾壞壇場蕪穢祭祀之禮有缺焉於是鎮
遠將軍領北地太守閔卿亭侯段君諱煨字忠明自
武威占此土憑託河華二靈是與故能以昭烈之德
享上將之尊御命持重屯斯寄國討叛柔服威懷是
示羣兇既除郡縣集甯家給人足戶有樂生之歡朝
釋西顧之慮而懷關中之恃雖昔蕭相輔佐之功功
冠羣后弗以加也遂解甲休士陣而不戰以逸其力

脩飾享廟壇場之位荒而復辟禮廢而復興又造祠堂表以參闕建神路之端首觀壯麗乎孔徹然后箴祀祈請既有常處雖雨露衣而禮不廢於是邑之士女咸曰宜之乃建碑刻石垂示後裔其辭曰於穆堂闕堂闕昭明經之營之不日而成匪奢匪儉惟德是程匪豐匪約惟禮是榮虔恭禋祀黍稷芬馨神具醉止降福穰穰

桐柏廟碑

延嘉六年正月八日乙酉南陽太守中山盧奴張君

處正好禮尊神敬祀以淮出平氏始於大復潛行地中見於陽口立廟桐柏春秋宗奉災異告譴水旱請求位比諸侯聖漢所尊受珪上帝太常定甲郡守奉祀務潔沈祭從郭君以來二十餘年不復身到遣行承事簡略不敬明神弗歆灾害以生五嶽四瀆與天合德仲尼慎祭常若神在君準則大聖親之桐柏奉見廟祠崎嶇逼狹開拓神門立闕四達增廣疆場飾治華蓋高大殿宇穹齊傳館石獸表道靈龜十四衢廷宏敞宮廟嵩峻祇慎慶祝一年再至躬進牲牲執

王以沈爲民祈福靈祇報祐天地清和異祥昭格禽
獸碩茂草木芬芳黎庶預祉民用作頌其辭曰泣泣
淮源聖禹所導湯湯其逝惟海是造疏穢濟遠柔順
其道弱而能強仁而能武聖賢立式明哲所取定爲
四瀆與河合矩烈烈明府好古之則虔恭禮祀不愆
其德惟前廢弛匪恭匪力災眚以興陰陽以忒陟彼
高崗臻茲廟側肅肅其敬靈祇降福雍雍其和民用
悅服穰穰其慶年穀豐植望君輿駕扶老攜息慕君
塵軌奔走忘食懷君惠况思君罔極于胥樂兮傳於


萬億

九疑山碑

蔡邕

巖巖九疑峻極于天觸石膚合興播建雲時風嘉雨
浸潤下民芒芒南土實賴厥勛逮于虞舜聖德光明
克諧頑傲以孝蒸蒸師錫帝世堯而授徵受終文祖
璇璣是承太階以平人以有終遂葬九疑解體而升
登此崔嵬託靈神仙

金石古文卷十二終



金石古文卷十三

楚相孫叔敖碑

成都 楊 慎 升菴 輯

楚相孫君諱饒字叔敖本是縣人也六國時期思屬
楚楚都南郢南郢卽南郡江陵縣也君受純靈之精
懷絕世之才有大賢次聖之質少見枝首蚺對其母
泣吾將死母問其故曰吾聞見枝首蚺者死今日見
之母曰若奈之何吾煞行數十步念獨吾死可空復
令他人見之死爲因埋掩其荆母曰若無憂焉其陰

德元善遂爲父母九族所異及其爲相布政以道考
天象之度敬授民時聚藏於山殖物於藪宣導川谷
波障源淥漑灌垞澤堤防湖浦以爲池沼鍾天地之
美收九罌之利以愍潤國家家富人喜優瞻樂業拭
序在朝野無螟蟻豐年蕃庶人有曾閔貞孝之行四
民美好從容中節高相改幣一朝而化其憂國忘私
乘馬三年不別牝牡繼高陽重黎五舉子文之統其
忠信廉勇禮樂文章軌儀同制其富國充民明天時
盡地力霆堅禹稷不能踰也專國權寵而不榮華一

且可得百金至至於歿齒而無分銖之蓄破玉玦不
以寶財遺子孫終始若矢去不善如絕絃辟患害於
無刑徹節高義敦良奇介自曹臧孤竹吳札子罕之
倫不能驂也生於季末仕於靈王立溷濁而澄清處
幽暗而照明其遺武餘典恨不與戲皇帝代同世世
爲列廷國在朝廷其意常墨墨若冠章甫而坐塗炭
也病甚臨卒將無棺槨令其子曰優孟曾許千金貸
吾孟故楚之樂長與相君相善雖言千金實不負也
卒後數幸莊王置酒以爲樂優孟乃言孫君相楚之

金石錄卷十三
功卽忼慨高歌曲曰貪吏而可爲而不可爲廉吏而可爲而不可爲貪吏而不可爲者當時有汚名而可爲者子孫以家成廉吏而可爲者當時有清名而不可爲者子孫困窮被褐而賣薪貪吏常苦富廉吏常苦貧獨不見楚相孫叔敖廉潔不受錢涕泣數行若投首王王心感動覺悟問孟孟具列對求其子而加封焉子辭父有命如楚不忘亡臣社稷圖而欲有賞必於潘國下濕境塉人所不貪遂封潘卿卽固始也
三九無嗣 國絕祀廢固始令段君夢見孫君則存

其後就其故祠爲架廟屋立石銘碑春秋烝嘗神明報祚卽歲還長掖太守及期思縣宰段君諱光字世賢魏郡鄴人庶慕先賢體德允恭篤古遵舊奉履憲章欽翼天道五典興通攷籍祭祀祇肅神明臨縣一載志在惠康葬枯稟乏愛育藜蒸討掃醜類鰥寡是矜杜僞養善是忠表仁感相孫君迺發嘉訓興祀立壇勤勤愛敬念意自然刻石銘碑千載表績萬古標記福祐期思縣興士熾孫氏蒙恩漢延熹三年五月二十八日立

三學古齋校本

漢故中常侍騎都尉樊君之碑 子 遷

君諱安字子祐南陽湖陽人也厥祖曰仲山父翼佐

周宣出納王命爲之喉舌以致中興食菜於樊子孫

氏焉奕世載德守業不愆在漢中葉篤生哲媛作南

頓實產世祖征討逆畔復漢郊廟而樊氏以帝元舅

顯受茅土封寵五國壽張侯以功德加位特進其次

竝已高聲處鄉校侍中尙書據州典郡不可勝載爲

天下著姓君幼以好孝經兼典記傳古今異義甘貧

樂約意不回貳天資淑慎稟性有直秉操不移不以

覬貴世政促峻邑宰寡識慢賢役德被以勞事然後

慷慨宦於王室歷中黃門冗從儀史拜小黃門小黃

門右史遷藏府令中常侍其事上也貞固密慎矜矜

戰戰作主股肱助國視聽外職不誣內言不泄爲近

臣楷模是以兄弟竝盛雙據工郡宗親賴榮年五十

有六以永壽四月二月甲辰卒朝思其忠追拜都尉

寵以印綬策書褒歎賻贈有加嗣子遷寔以幼弱夙

敘王爵而喪其所天禮備復位以延熹三年冬十有

一月自上蒸祭乃尋惟烈考恭脩之懿勒之碑石俾

不失墜其辭曰

肅肅我君帝躬是翼王事多難我是力秉此小心以
亮皇職惟帝念功庸以興服大命傾竇寇神遷伏龜
艾追贈用光其德藹藹遺稱作呈作式勒銘茲石垂
示罔極勲名不劔永昭千億

漢金城太守殷君碑

衛 覲

君諱華字叔時上郡定陽人大匠君之子也其先出
自有殷因國定氏不改其號聖哲元流至君而懿幼
應瓊蘭之美長有冲邈之志敦詩閱禮緝韜竹貫誕

循前業守以恪恭仕歷州郡忠愕有分其大操也耽
耽虎視龍變不羈故能雄傑於并域聲班於土京察
何孝廉貢除郎中左馮翊丞協宣文物公事知州舉
茂才宛邱台崇行寬猛示之禮禁褻延庠校政以惠
和三載陟隕邪臨金城郡郭羌虜避難遷移役兼民
匱室如懸罄乃數權略獎厲威信威獫狁率服不敢窺踰
兵戢而時動因省獵以習義興利弭患順其所樂開
通狹道造作傳館吏士咸悅不勞而勸是以搢紳之
徒譚講雅誦釋軍旅之犀革陳俎豆於泮宮其艾櫜

幹旌顯才良咨量三壽賞刑不僭邦場甯靜歲時豐
登耆叟擊壤童亂謳諫功替垣列當升寵祚旻不耆
德景命失靈以光和元年九月乙酉卒官生有嘉休
終則鼎銘於是故吏邊笄江英韓遂等追送遐邱刊
石勒勛其辭曰
於惟明后懷德握醕昆山之耀秀出不羣文昭有毅
武列能仁舍舒憲墨以育生民垂紀東壤西國著勛
身沒名流載世常存古之遺老非此孰云于爾臣恩
續其旻芬

河南相張君南陽西鄂人諱衡字平子其先出自張

崔瑗

老爲晉大夫納規趙武而反其侈傳美之君天姿叡
哲敏而好學如川之逝不舍晝夜是以道德漫流文
章雲浮敷術窮天地制作侔造化壤辭麗說奇技偉
藝磊落煥炳與神合契然而體性溫良聲芬芳仁愛
篤密與世無傷可謂淑人君子者矣初舉孝廉爲尚
書侍郎遷太史令實掌重黎歷紀之度亦能煇耀敦
大天明地德光照有漢遷公車司馬令侍中遂相河

間改以禮成民是用息遭命不永闔忽喪祖朝失良
臣民隕令君大泯斯道世喪斯文凡百君子靡不傷
焉乃銘斯表以旌厥聞其辭曰
於維張君資質懿豐德茂林羨高明顯融焉所不學
亦何不師盈科而逝成章乃達一物不知實以爲耻
聞一善言不勝其喜包羅品類稟授無形酌焉不竭
冲而復盈廩廩其庶疊疊其幾膺數命世紹聖作師
苟華必實令德惟恭柔嘉伊則孝友祇容允出在茲
維帝念功往才女諧化洽民雖愍而不弔降此結哲
人其萎罔不時恫紀於銘勒永終譽兮死而不朽芳
烈著兮

曹娥碑

邯鄲滄


孝女曹娥者上虞曹盱之女也其先與周同祖未胄
荒流爰茲適居盱能撫節按歌婆娑樂神以漢安二
年五月時迎五君逆濤而上爲水所淹不得其尸時
娥年十四號慕思盱哀吟澤畔旬有七日遂投江死
經五日抱父屍出以漢安迄於元嘉元年青龍在辛
卯莫之有表度尙設祭誄之辭曰鬱伊孝女擘擘之

姿偏其反而令色孔儀窈窕淑女巧笑倩兮宜其家
室在治之陽大禮未施嗟喪慈父彼蒼伊何無父孰
怙訴神告哀赴江永號視死如歸是以眇然輕絕投
入沙泥翩翩孝女載沉載浮或泊洲渚或在中流或
趨湍瀨或逐波濤千夫失聲悼痛萬餘觀者填道雲集
路衢泣淚掩涕驚慟國都是以哀姜哭市杞崩城隅
或有剋面引鏡勢耳用刀抱樹而燒於戲孝女德茂
此儔何者大國防禮自脩豈况庶賤露屋草茅不扶
自直不鏤自彫越梁過宋比之有殊哀此貞厲千載

不渝嗚呼哀哉辭曰

名勒金石質之乾坤歲數歷祀立廟起紛光於后土
顯昭天人生賤死貴利之義門何悵華落飄零早分
葩艷窈窕永世配神若堯二女爲湘夫人時効髣髴
以昭後昆

金石古文卷十三終



金石古文卷十四

成都 楊慎 升菴 輯

魏敬侯衛覬碑陰文

聞人牟準

敬侯所葬之先域城惟解梁地即鄆首山對靈足谷當倚口勢高而趣幽形垣而背阜鑿室而可以蔽藏不墳而所冀速朽珍琦素白而靡尚衣服隨時而則有故吏述德於隧前門生紀言於碑後曰季居亭而已治詹嘉在主而可友處高據之厚地將秭億而承久所著述注解故訓及文筆等甚多皆已失墜所注

孝經固而倉頡冢碑大篆書在左馮翊利陽亭南道
旁及華山下亭碑增算狀殷叔時碑魏大饗碑羣臣
上尊號奏及受禪石表文竝在許繁昌尊號奏鍾常
書受禪表覬竝金針八分書也太祖文帝等臨詔令
雜駁議上封事一百餘條誠子等散在人間及碑石
可見樹碑人郡國縣道姓名其如于後

黃陵廟記

節文

諸葛孔明

僕躬耕南陽之畝遂蒙劉氏顧草廬勢不可卻計事
善之於是情好日密相拉總師趨蜀道履黃牛因觀

江山之勝亂石排空驚濤拍岸敘巨石於江中崔嵬
巖峴列作三峯平治泔水順遵其道非神扶助於禹
人力奚能致此耶僕縱步環覽乃見江左大山壁立
林麓峯巒如畫熟視於大江重復石壁間有神像影
現焉鬚髮鬚眉冠裳宛然如彩畫者前豎一旌旗右
駐一黃犢猶有董工開道之勢古傳所載黃龍助禹
開江治水九載而功成信不誣也惜乎廟貌廢去使
人太息神有功助禹開江不事鑿斧順濟舟航當廟
食茲土僕復而興之再建其廟貌目之日黃牛廟以

顯神功

漢武帝鼎銘

登於秦山萬壽無疆四海甯謐神鼎傳芳

漢武帝封禪刻石辭

四守之內莫不為郡邑四夷八蠻咸來貢職與天無極又民蕃息天祿永得

漢祭金馬碧鷄文

持節使者王褒敬移南崖金精神馬綜綜碧鷄處南之荒深溪回谷非上之鄉歸來歸來漢德無疆廣於

唐虞澤配三皇黃龍見兮白虎仁歸來歸來可以為

倫歸兮翔兮何事南荒也

漢祝長嚴訴碑銘

惟漢中興卯金休烈和平元年歲治東宮屯民甯厥居

漢園令趙君碑銘

天寶高唯聖同戲我君羨其踪體宏仁蹈中庸所臨歷有豐功追景行亦難雙刻金石示萬邦

漢王史威長銘

明明哲士知存知亡崇隴原野非甯非康不封不樹
作靈垂光厥銘何依王史威長

漢資中古碑伏羲贊 見史子 堅隸格

伏戲倉精初造工業畫卦結繩以理海內 內音越

後漢祝睦碑銘

穆我君邦之陽資五就闡道綱陟泰微準樞衡稽列
宿覽四方德合乾道應皇領一郡曜重光化流洽緝
幽昌性天約元用長頌聲作謠合香功烈著遺椒芳
存艷榮淪弗忘

後漢愼令劉伯麟碑銘

於惟君德忠孝正直至行通洞高明柔克鬼神富謙
受茲介福知命不延引輿旋歸忽然輕舉志噉拔葵
人皆有亡貴終譽兮沒而不朽垂名著兮

漢司隸校尉楊厥碑

惟以靈定位川澤股躬澤有所注川有所通斜谷之
水其澤南隆八方所達益域為充高祖受命興於漢
中道由子午出散入秦建定帝位以漢詆焉後以子
午塗路澁難更隨圍谷復通堂光凡此四道垓鬲尤

艱至於永平其有四年詔書開斜鑿通石門中遭元
二西夷雲殘橋梁斷絕子午復循於是故司隸校尉
健爲武陽楊厥字孟文深執忠伉數上奏請廢於由
斯得其度經至建和二年漢中太守王升字稚紀嘉
君明知美其仁賢勒石頌德以明厥訓按此脫畧甚
多當從隸釋
漢析里郝閣頌

惟斯析里處漢之右溪源漂疾橫注於道涉秋霖漉
盆溢缺漏濤波滂沛激揚絕道漢水逆讓稽滯商旅
路當二州經用汙沮沮縣士民或給州府休謁往還

恒失日晷行理咨嗟郡縣所苦斯溪旣然郝閣尤甚
緣崖鑿石處隱定柱臨深長淵三百餘丈接木相連
號爲萬柱過者慄慄載乘爲下常車迎布歲數千兩
遭遇隕納人物俱隕沈沒洪淵酷烈爲禍自古迄今
莫不創楚於是太守阿陽李君諱翕字伯都以建甯
三年二月辛巳到官思惟惠利有以綏濟聞此爲難
其日久矣嘉念高帝之開石門元功不朽乃俾衡官
掾下辨

仇審改解危怠卽便求隱析里大橋於今乃造校致
攻堅缺二工巧雖昔魯班亦莫儼象又醜散關之嶮

漂徙朝陽之平慘滅西字缺二高閣就安字甯之石道禹導江

河以靖四海經紀厥續艾康萬里臣字缺三勒石示後

乃作頌曰字缺四降茲惠君克明俊德允武允文躬儉

尚約化流若神愛氓如字缺三平均精通皓穹三納符

銀所歷垂勳香風有隣仍致瑞應豐稔字缺五樂行人

夷欣慕君靡已乃詠新詩字缺四兮川兌之間高山崔

巍兮水流蕩蕩地既墉确兮與寢為隣字缺六以析分

或失緒業兮至于困貧危危累卵兮聖朝閔憐毳艾

究字缺兮幼字缺五救傾兮全育字缺遺劬勞日稷兮惟惠

勤勤黃邵朱龔兮蓋不字缺四充贏兮百姓歡欣僉曰

太平兮文翁復存

建甯五字缺二月十八日癸字缺下

時衡官字缺三仇審字孔信

從史位字缺四字漢德為此頌

故吏下辨字缺三子長書此頌

時石隄南字缺四威明

歐公跋云醴散關之嶠漂徙朝陽之平慘刻畫

適完非其訛謬而莫詳其義故錄之以俟博識

君子

今按醜古與釋通史記張儀傳杖而醜之韓信傳醜兵北首燕路趙明誠金石錄載漢碑文有云農夫醜來又云辭榮醜黻潔本濟潔之潔漢人或寫作潔借作濕字用嘲潔謂潮濕也慘與燥同分隸小異如摻亦作操之例平慘謂乾燥也言去濕而就燥也以假借之義訓之亦通升

菴楊慎重跋

漢無終山陽雍伯天祚玉田之碑

玉田縣西北有陽公壇社卽陽公之故居也陽公名雍伯雒陽人是周景王之孫食采陽樊春秋之末爰宅無終至性竺孝父母終沒葬之於無終山山高八十里而上無水雍伯置飲焉有人就飲與石一斗令種之玉生其田北平徐氏有女雍伯求之要以白璧一雙媒氏致命雍伯至玉田求五雙徐氏妻之遂嫁焉性不好寶玉田自去今猶謂之爲玉田

